

96094

240.95  
34

第玖冊

卷十七

藝文志

平湖縣志



平湖縣志卷十七

署知縣張力行纂修



藝文志 二

詩賦

唐

東湖望山歌

海鹽

顧况

逋翁

浴鮮積翠棲靈異石洞花宮橫半空夜光潭上明星  
啟風雨壇邊淨如洗水淹徐孺宅恒乾繩墜洪厓井  
無底主人載酒東湖陰遙望西山三四岑

按歌內有徐孺宅洪

平湖縣志

卷七

藝文

詩賦

一

厓井西山等蹟應是南昌之東湖今仍舊志載入

宋

讀書堆

張堯同

平林標大道曾是野王居往事將誰語淒涼六代餘

柘湖

張堯同

神居陰陽護尋國捍洪波莫慮蛟龍怒年來畏叱呵

步德藏寺梓樹坪有感

趙孟堅

子固

祇園梓樹植何年夾道陰陰綠可憐無奈霜風摧葉  
落高柯還拂舊時天

題陳山飛星石

魯應龍 子謙

錦石雙星下翠微  
忽看移入小巖扉  
靈光夜靜歸山徑  
翠影秋寒上佛衣  
滇海始知鯨欲動  
零陵不獨燕能飛  
只今五色何曾補  
自採奇峰築釣磯

元

聽雪齋為孫以貞賦

華亭 陶宗儀 九成

瑤池阿母教飛瓊  
細搗冰花擁佩旌  
郭索行沙林竹偃  
吳蠶食葉紙窻明  
短編清夜誰家讀  
柔櫓寒溪遠處鳴  
閉戶先生俄側耳  
松聲沸起煮茶鐺

平湖縣志

卷七

藝文

詩賦

二

顧野王讀書堆

會稽 張憲 思廉

昔聞野王宅  
今上讀書堆  
篁竹最深處  
菊花時自開  
天風響鐘磬  
海氣結樓臺  
回首梁陳事  
悲歌付一杯

當湖秋霽

金玉

海風吹雨過船頭  
雲靜波光映素秋  
百里泰山當落日  
千年霍廟立孤洲  
蒹葭霜後依漁屋  
鴻雁風高起棹謳  
相送使君人載酒  
醉歌白紵不勝愁

橫泖

郭亨貞

橫泖清晨望  
人烟樹幾重  
三江歸禹貢  
衆水會吳封

雲倚孤邨埵潮平半夜鐘田翁談古跡隔浦是青龍

明

顧邑城

過宗一貫之

寄奴王者亦英雄更愛風流老顧榮今日孤城滄海畔一天紅浪晚來風

遊陳山

蕭山魏驥仲房

清溪南面是陳山列嶂舒屏紫翠間幾度捲簾成晚對白雲時共鶴飛還

松風臺

張仁

平湖縣志

卷七

藝文

詩賦

三

老樹秦封倚石壇科頭箕踞自盤桓蒼龍卷地翠濤舞青鳥翔空寶蓋翻清氣一襟毛髮顫秋聲萬壑斗牛寒劃然長嘯憑闌處明月中天掛玉盤

過當湖曹汝器所居

嘉興陳顥漢昭

海邑西偏郡郭東林塘卜築遂高風松陰避雨周遭綠花影涵波上下紅虛榻掃留吟社客短蓑著伴釣船翁閒居清趣人多有看到君家自不同

顏曰林溪清趣中有

滴翠峯涵谷池諸勝

當湖十景詠

茶陵李東陽賓之

春來鵝湖綠春去鵝湖深微波帶豐草幽鳥啼芳林  
寧獨知春來與春去長在鵝湖湖上住鵝湖  
春色

遠山青青玉案氣漫漫來莫且君不見樂遊原上易  
昏黃夕陽雖好空斷腸案山  
曉翠

朝鐘晴昏鐘雨朝鐘滿空山昏鐘遙遙不知處山僧  
報客客不來又逐溪風過溪去三寺  
雨鐘

六橋開暖烟家家水為市昨日雨多今日晴高樓翠  
幔留人處曾搖湖船卧湖月歸來夢作杭州客六橋  
晴市

日之出東田東鼓填填走社翁割肥羊擊壯豕舞復  
平湖縣志 **卷七** 藝文 詩賦 四

歌社神喜但願年年好風雨儂衣有桑食有黍長迎  
社神擊社鼓東田  
社鼓

儂家住西浦兒童織罾罟岸濶秋水深湖上魚蝦賤  
如土待我他時歸掛罾功成自買扁舟去西浦  
漁罾

南村書屋書滿車南村書聲聲滿家讀書不作村學  
究身為郎官印如斗如今祇令稱書鄉不讀書誰人

姓張南村  
書屋

北原草青牛正肥牧兒唱歌牛纔歸兒家在原牛在  
坂歌聲漸低人更遠山蒼茫水清淺北原  
牧笛

霍將軍古祠下揚靈旗躍靈馬神遊四方適余野  
將軍武且神驅逐厲鬼鞭風雲生能安邦死能福吾  
民壯哉將軍死猶存

霍氏  
行祠

荒荒高原鬱鬱古墓誰其葬之侯姓魯君看佩銅章  
繫青組有酒誰澆墓傍土彼獨何人民亦何心嗟哉

魯侯名至今

魯公  
古墓

九日登陳山

沈琮 公禮

涼燠互遷易大化斯往還少壯能幾時華髮颯已斑  
猗彼泉石人如脫紅塵寰佳節值良友邱壑同躋攀

平湖縣志

卷七

藝文

詩賦

五

有酒與持飲有詩互評刪慮靜水不波心與雲俱閒  
炎炎憑勢徒棄德方崇姦所以五代子自題作痴頑  
何如侶松菊不爲世厚顏俛仰古今事一笑空秋山

題漁隱故居

沈肆 公貴

名落人間數十年一溪漁隱自悠然晚風楊柳堤邊  
笛秋雨蘆花渡口船沽酒肯邀漁父醉枕蓑時伴野  
鷗眠只今回首成陳迹贏得人稱似輞川

龍吟閣

趙彰 用常

直收滄海作奇觀高閣橫空一望寬微雨趁潮生晚

信羣山入座起秋翰眼前紫驥皆千里領下紅珠得  
幾丸遙聽曉鐘開講後散班分給小龍團

德藏寺

金溪徐霖用濟

砌草庭花古寺幽淡雲疎雨送高秋松楸南國幾回  
首瀛海西風一倚樓大衆機鋒真覺鈍滿江波浪獨  
能遊借君椀內清香茗澆我胸中磊塊愁

靜觀亭

江浦莊景定山

睡起湖亭坐乾坤意自深青天無一滓明月在波心

泛當湖

東莞林光緝熙

平湖縣志

卷七

藝文

詩賦

六

青青湖畔草泛泛波中鳥杯酒入烟雲人隨秋水杳  
閒持一杯酒移艇傍疎竹白鳥忽飛來湖田雨初足  
數聲採蓮歌秋波杳如海不遇種蓮人那得蓮堪採  
烟火幾漁家湖邊夾疎樹扁舟三五人坐入秋天暮

初夏泛湖

陸琳文佩

麥秀高原雨脚收旋挈艇子放中流幾因病起愁聞  
鳩忽憶春深可飯牛粉竹頂齊蒼蘚合刺桐花老綠  
陰稠興來咫尺斜陽路指點前溪泛白鷗

常足窩吟

趙漢鴻達

小結湖邊常足窩數椽投老更無它舉頭只恐去天  
遠容膝何須問地多作隊戲魚便水石寄雛幽鳥自  
庭柯靜觀萬象歸真際曾有絲毫欠事麼

題趙漸齋序芳園

華亭 徐階 子升

一竿東去意何如蘭芷鷗鳧共隱居晦迹久焚封事  
草遣閒聊註攝生書鶴歸世重林逋宅龍卧人方諸  
葛廬我病正牽泉石念從君端欲謝簪裾

題趙漸齋序芳園

武進 唐順之 應德

爲耽泉石謝塵纓散髮扁舟羨獨行數畝荒廬堪自

平湖縣志

卷七 藝文 詩賦 七

老滿川鳧鷺欲相迎已知野叟無機事不向漁翁說  
姓名余亦洞庭洲畔客因君轉切故鄉情

水雲軒

馮汝弼 惟良

簾捲五湖陰影落湖光裏憑欄入蒼茫自謂烟波子  
興到一長嘯清商發幽渚借問從者誰扣舷吾其許

泛當湖

趙伊 子衡

出門理棹卽湖中竟日淹留興不窮鏡水已應歸賀  
監習池只許醉山翁深深岸柳迎人綠歷歷園葵對  
酒紅滿眼河山堪送老只今人慕二疏風



雅山十詠

趙伊

舊傳天駟曾星隕逐電追風氣郁紛一見祖龍鞭策

影挾山超海勢難羣

天馬峯

杜公遠跡行巫峽孫子冥搜度石梁莫道雅山形勝

僻高人詞客好相將

梁石峽

嘗騎白鹿山頭下此洞人呼仙子房索我洞中無處

所紫芝朱草足春陽

遊仙洞

潮音動處聚千僧南海補陀山幾層昔日點頭今面

壁生公傳法爾堪應

石頭陀

平湖縣志

卷七

藝文

詩賦

八

脉脉寒泉巨海通陂塘千頃未為功臨流晝夜常如

此吹盡溪頭樹底風

一脉泉

當湖風壤嶺頭分屏捍高連海上雲還望全吳窮地

險平臨南斗應天文

南極峯

振衣蒼嶺出塵埃海外羣峯次第來莫是江山有神

遇波濤萬頃面蓬萊

望仙嶺

虛巖峻壁倚山巔仰面當空巨石懸混沌劈來形似

昨摩挲今已萬斯年

萬歲巖

石作龜形勝寶龜乾坤不愛負書奇何人載筆開文

字高起螭頭十丈碑龜石

諸峯競起各巒岒離立如人厚且端早覺元章呼作

丈含風伴月到詩壇端石

再遊清溪

沈 棨元節

再得孤舟興茲遊不厭重谿山元有約昆弟且相從

北渚水啣月南臯雲渡松誰云秋意晚猶及採芙蓉

顧書堵對月

沈宏光子懋

野王堆下暮潮平九點峰頭片月生今日思君君不

見寒梅零落夜鐘聲

平湖縣志

卷七

藝文

詩賦

九

當湖十二詠

馮敏効

悠悠東海望重關數里滌泗枕市闌龍聚九源雲影

落珠聯三滙月光閒纔過浮玉瞻靈刹又逐飛鳧上

碧山極目遙天收晚興萬家烟火傍城灣東湖勝槩

鸚鵡飛來水上頭影搖新柳帶烟浮纖纖啄月輝南

浦冉冉翔雲映北流春暖浮屠招放鶴夜深回浪狎

眠鷗賸看芳草能留客此是當湖第一洲鸚鵡芳洲

文筆巍巍出水央登臨直接五雲鄉寒飛海上諸山

雨月落城中萬瓦霜禮佛悠悠扳疊磴行歌曲曲繞

迴廓法堂鐘磬朝還暮不是瀛洲是上方

沙汀塔院

方亭屹立淨無塵四面風生冷逼人玉砌臨波容膝

地瓊簷繞碧滿懷春相忘雲水窓虛合慣熟魚蝦檻

外馴此處不堪延釣叟好將竿艇寄遙汀

浮亭放生

一柱孤撐壯古濠浮雲淡淡水滔滔金山寺裡鐘聲

近文筆峰頭月影高秋宇半空凌灝氣春雷四望起

洪濤灑然何處飛來鶴獨立風前振羽毛

湖心亭榭

扁舟東去泛滄浪石磴溪橋蘆葦鄉山後撥雲高建

閣花間出水曲流觴遙迎四野朝烟色低瞰全湖夜

平湖縣志

卷十七

藝文

詩賦

十

月光錦浪層層千雉色巍峩一望障金湯

案山林麓

市城東望瑞光生古聚雲開九水清萬里江心移廟

貌千年漢室仰精靈層層畫棟雲山麗烈烈高旌海

嶠明鐘鼓聲餘香燼落浮烟朝暮繞孤城

金山古刹

湖城遠眺出滄溟千里雲開錦繡屏樓觀全收山水

槩埤塘半接斗牛星溶溶秀出占天運蔚蔚文明應

地靈萬樹桃花春鼓浪一聲雷動止堪聽

堞障啟元

百尺層臺映九峯臺端有閣夜鳴鐘空中隱隱風雷

應海外悠悠雲靄從影動芹池看變化氣聯銀漢欲

奔衝幾年湖上餘荒址猶聽遺音起螿龍龍吟高閣

鸚鵡洲前漲綠波半吹魚浪半農歌壺漿四野兼雲

出耒耜千家傍水過春滿橫塘開沃壤雨餘浮艇挂

晴簑年來且喜風濤息雞犬聲中夜月多南泓春作

湖光北望出天涯逝水奔騰來亦奇隱隱長流三泖

落悠悠伏浪九川隨遙津曉漲雲常合古渡宵平地

不知千載當湖名勝域潮來一夕占昌期北浦暗潮

九里湖風九里城九川環碧霽烟生支流遠帶羣龍

合巨浸中開一鑑平魚網徘徊雲影散鷗沙吞吐月

平湖縣志 卷十七 藝文 詩賦 十一

光明湖天昨夜經春漲多少輕舸野渡橫九水滙流

石莊小隱 沈懋孝

柴門臨水豆花蹊小汲攜筒自灌畦茅舍幾家村落

裡秫田三頃柘湖西斜陽紫翠多深秀秋晚風烟正

慘悽一領布袍先補綻任他風雨只低栖

新立釣磯於泖上 沈懋孝

元草空餘字倔奇朱輪隔絕路透迤能尋白社看蓮

葉惟對青山賦竹枝行探鳥巢來北塢閒驅繭犢又

東陂滄江一任愚公釣聊寫情言荅所思

淇林

沈懋孝

春來頻過林西館  
淇水青青亦耐看  
小牖鳴琴聲自  
古濃陰散帙影  
猶寒掃空舊憶  
曾千畝啟蟄新  
添恰  
昔尚竿時奉輕  
輿遊泖上也須  
詞賦擬潘安

來青樓

沈懋孝

樓外蓬萊十二重  
開簾不隔翠芙蓉  
主人樓上橫看  
處恰似天台面面峯

當湖竹枝詞

沈懋嘉 會真

阿郎會說漢陽城  
鸚鵡名傳舊綠汀  
問郎可似東湖

平湖縣志

卷十七

藝文

詩賦

三

上小小春沙好踏青

鵝湖春色

濛濛曉翠濕鞋弓  
天晴來上案山峯  
從頭一望珠樓

好港口條條戲九龍

案山曉翠

撐船采菱歌懊儂  
深深菱蕩翠烟濃  
日斜風起人歸

去三寺聲聲打暮鐘

三寺雨鐘

鮮船都在水西棚  
三尺黃魚似絳繒  
陣陣腥風朝市

散紅旗影裡買春冰

六橋晴市

夫插新秧婦踏車  
秋收一半入官家  
村村社鼓東田

晚籬脚開殘野菊花

東田社鼓

十里清波湖面長魚牀蟹斲水風涼曹騰醉倒漁哥

子自掛蓑衣曬夕陽

西浦魚骨

張家堆上屋層層聞說當年萬卷稱扇扇碧紗窻影

亂為郎深夜翦書燈

南村書屋

世事無端去似梭東城西市看忙多不若牧兒北原

上夕陽林外唱山歌

北原牧笛

花街東畔是儂家閒看迎神晚放衙拂拂紅旗春賽

罷霍王祠下采藤花

霍氏行祠

家家寒食各紛紛留得輕風上繡裙滿地紙錢人不

平湖縣志

卷十七

藝文

詩賦

十三

掃草花紅過魯家墳

魯公古墓

秋鳥

沈懋嘉

陳山西麓海東頭細網長竿帶綠鞵買得山禽如粉

脆屠墳十里稻花秋

題湖亭

馬千乘

國良

此亭堪極目蕭瑟起幽思帆路行平水雲陰上釣絲

九枝凝一碧連岫畫秋眉憑對曲闌霽涼風吹杖藜

北墅

沈維銀

紅橋出水涯十里北塘賒邨徑通商舶烟霞繫釣槎

竹支茶灶穩柳護酒旗斜况近讀書處時來得看花  
秋暮過福源塢院贈靜修上人 陸光宙 與常

暫釋塵中鞅聊舒老去身夙生如有約幻聚豈無因  
蝶引徐行客魚窺久坐人一乘開覺路誰復問迷津

牧圃

馬德澄

北風初受節南國尙微暄選秫添松釀編籬護菊園  
長筌漁極浦遠燒獵寒原坐客俱霑醉霜清月到門

竹塢

陸在奇

雙徑塵容盡柴關晝不開燕乘韶景至人約暮春來

平湖縣志

卷七

藝文

詩賦

古

戲蝶環紅蕖叢花媚碧苔芳郊堪一眺策杖竹間臺

寄題蕭使君弄珠樓

華亭 董其昌 思白

閒將鄉思倚層霄吳楚乾坤共沈寥鸚鵡洲前催作

賦鳳凰臺上憶吹簫

二句從石刻改正

山連秦望三神近湖

似潯陽九派消一自明珠還海曲採風應到弄珠謠

茂宰能將吏隱兼樓開山岳散江潭芷蘭一一分湘

浦楊柳依依自漢南地有驪龍供照乘人如黃鶴解

停驂欲知交甫遺珠事歷亂星辰逗短檐

弄珠漢水遺事使君

漢陽人而平湖亦有漢塘又有鸚鵡湖于弄珠差合

憶弄珠樓步董太史韻

漢陽蕭鳴甲爾先

西山涼意澹霜霄華省沉沉鎖次瀲正憶當湖樓上  
酒閒聽遠浦月中簫桐鄉俗古勤相問蓴菜情生可  
自消欲倚賓鴻裁數字燕歌難續水雲謠

名流俗吏異時兼遠岫低窓應碧潭好景自饒吳會  
詠美人多在大江南花明乍浦時開纜草綠鸚湖幾  
駐驂一別薊門秋色老可堪河影落朱檐

題弄珠樓

南海陳熙昌杲菴

蘭橈桂楫蕩新晴湖上花深似鏡平九曲烟波來海

平湖縣志

卷七

藝文

詩賦

十五

嶼半空樓閣望蓬瀛吟成鸚鵡潮初長探罷驪龍月  
正明欲識瑯琊遺蔭處十圍楊柳拂金城

尋竹菴故址

戈用泰耒陽

竹菴何處可追攀紺殿西隅碧水灣日落山房僧寂  
寂雲歸梵樹鳥關關鼓鐘每斷浮塵外衣鉢空餘積  
翠間曾是老龍栖隱地而今不作舊時顏

過梧竹居

馮元鑑三峩

南林猶剩碧溪隅翠壓間門色未枯風拂塵埃經五  
住雲依杖錫到三無昔年惟種化龍竹今日並栽棲



鳳梧茶罷數聲清磬晚山牕早送月輪孤

顧山人卜居野王讀書堆

馮元鑑

結茆新闢舊山蓀風雨貧家晝掩門戶隔市廛栽竹  
地池通流水浣花村囊承狐首經千軸瓢貯丹砂藥  
一樽不爲卜居風物好讀書仍上舊青墩

田園詩

沈萃楨

君聚

不淺蓴鱸興君恩許掛冠城陰三畝宅日暮一漁竿  
風翻秋飛鶴花泥晚種蘭兀然微醉好高枕傍闌干  
歲戊午春省家大人至平湖上弄珠樓賦

平湖縣志

卷十七

藝文

詩賦

六

南海

陳子壯

秋濤

登臨不信非吾土爲赴趨庭縱目餘乍浦參差連海  
色清溪歷亂浸桃花鴛鴦引棹新潮至睥睨當軒落  
照斜身在凌雲能賦否長康何處擬丹霞

庚申滯長安寄題弄珠樓

陳子壯

鶴駕飛來仍舊嶼琴聲放出是新波去年芳草王孫  
地一曲滄浪孺子歌天渺瓊樓飛夢少夜深龍女抱  
珠多盈盈欲問三江水盡浣緇塵製綠荷

題弄珠樓

沈瑞鐘

德培

波光如鏡沈寥天檻外湖風更渺然十里翠飛春嶂  
小九門寒鎖夜珠圓紫裳神女遺花珮黃鶴仙人問  
酒錢我亦樓頭舊崔子題詩空擬白雲篇

登望湖亭

陸光祚 與培

亭標望湖好風日似春和白雪融青嶂紅霞漾碧波  
天空羣鴈度山靜一僧過頓覺塵襟滌悠然發浩歌

尋雨花亭故蹟

嘉興 高道素 元期

會說宜翁闢講筵雨花如雪暮春天孤亭高插知何  
處人指荒池亂草邊

平湖縣志

卷七

藝文

詩賦

七

珠樓八詠次韻 存四

孫裔蕃

政閒隨地可消愁况有天開鸚鵡洲風月每添詩酒  
興何妨重繫木蘭舟

八詠誰嗣沈約才吟安都不費敲推月明試詠南樓  
句疑有隋珠照夜來

琴堂清絕但鳴絃日永簾垂裊篆烟坐看南薰歌解  
慍不知身世是何年

風來四面月當頭縹緲疑登十二樓色映畫屏環遠  
岫影懸文筆蘸中流

鸚鵡湖舟居詩

馬萬方

離城咫尺卽天涯魚鳥同浮水似家秋鏡雲開千頃  
雪文窗烟翠一重沙芙蓉香逼蛟龍窟鸚鵡洲寒蘆  
荻花自笑垂鉤無所得輕絲聊借縛歸槎

陳山八詠

李天植 因仲

林上空蒼若可攀遙村出沒野雲間晴明遠岸青千  
樹烟雨重溪碧幾灣每傍秋陰渾似畫未開曉色亦  
疑山平原欲豁無窮目怪我憑高未忍還 平林烟徑  
孤帆天外御風遊萬里滄溟去未休我意雲翰來遠

平湖縣志

卷七

藝文

詩賦

六

道誰能雪浪當安流三神似許通舟楫一葉遙看汎  
斗牛知爾遐征更無恙不須長劔斬陽侯 天際雲帆

碣石扶桑一望中波臣意氣動遙空如鯨怒吼千山  
雪似馬長馳萬里風紅捲夕陽吞鬱島白翻明月墮  
蛟宮涵空臺外雲濤壯木落秋高更不同 南海秋濤

鐘聲歷歷動西堂斜月真堪勝夕陽松磴白疑殘夜  
雪石門寒共五更霜光辭嶺樹虛烟積影落僧窻曉

夢涼此是山中清絕景冷猿孤鶴好相將 西峯曉月

靈擘千尋削未殘松門雲散見高寒盛來曉露誰當

吸攬得晴霞正可餐盡日排空叩闥闔何年招隱到  
劉安東溟有月當峯頂擬作明珠掌上看

翠微石掌

石碣千秋蹟未磨空潭如鑑淨無波尋源脈脈來滄  
海出澗陰陰覆碧蘿野老嗽雲秋色暮山僧吸月夜

涼多瑞泉亭畔閒凝眺時有清聲答嘯歌

赤峽龍湫

荒村高柳夕陽邊閭井蒼茫晚色偏城角冷催漁市

火酒旗深傍戍樓煙千家樹影昏初沒萬枕濤聲夜

未眠倦鳥不歸人已靜祇憑寒漏打霜天

孤城暮靄

蒼蚪鱗鬣老山椒日有清音滿壑飄時共野絃來細

平湖縣志

卷十七

藝文

詩賦

九

細更兼寒磬到蕭蕭荒臺返照驚疎雨短榻孤燈怯  
夜潮多恐臥龍聽不得也乘明月嘯中霄

萬壑松聲

遊青蓮寺

李天植

香刹從來古春風客到稀溪光平入座竹色冷侵衣  
地僻鳥無語林深花自飛相過逢勝侶茶話總清機

春日同社友訪林翁于高宮山 李天植

林翁隱居一茅屋繞屋青山皆骨肉故人在昔識翁  
顏攜我乘春看修竹竹籬蓬戶春陰陰苔逕松關鎖  
猿鹿鄰翁爲我前致詞此翁溪山往來熟有時閒投

溪上竿有時閒出隴頭牧鳥啼日暮翁未歸相對羣  
峯秀如簇

壬午夏旱馮茂遠禱雨陳山姚叔祥以詩見寄

次答

湖州

鮑應選

太鹿

曾到陳山頂上峯相傳聖母此中封老翁寄我驚人  
句灑入寒濤走白龍

趙退之虹島

陸澄原

嗣端

散帙得秋水一椽清可師素心天放處華渚雨來時  
指匣通靈漢邀梁覆玉池文園新渴甚只許美人知

平湖縣志

卷十七

藝文

詩賦

二十

宿東禪寺

洪默

薄暮維煙艇循溪上講堂山圍秋水濶樹接浦雲長  
僧集諸天供風迴合殿香臺端聞寶偈心寂萬緣忘

釣鰲磯

孫成名

湖面溶溶九派秋碧欄高映彩虹流磯橫春雨桃花  
浪簾捲東風燕子樓此日釣鰲成五馬當年放鶴有  
孤舟明公爲築湖中石次第龍門下玉鈎

東湖社集詩

分梨字

海鹽

姚士粦

叔祥

猶憶過三曲紅樓信馬蹄香尋煙縷細人醉月痕西  
歡袖名爭果哀家句勝梨肯忘花底約應罵竹枝題

分雲字

錢塘  
徐象梅 仲和

逃暑真無地移舟借水雲共言探白法不獨醉紅裙  
遠樹來空影新蟬息衆聞更憐蘿際月涼坐夜初分

分花字

邱 遂

十里湖如鏡移舟止暮沙七能兼劈脯水豈獨浮瓜  
燭跋光微黯河明影細斜佳人雙髻好隱隱點秋花

分秋字

歸安  
潘 湛 客靜

平湖縣志

卷十七

藝文

詩賦

三

投分邀名侶晴湖愜勝遊酒香飛醖後鬢影洗粧秋  
月記萸初換螢將火欲流故鄉如在眼不復更登樓

分風字

華亭  
張汝開 伯元

景亦憐同調畱霞襯水紅句爭孤刹峻嘯徹夜湖空  
碧問酒中月香分衣上風醉還聞細語老不讓人雄

分臺字

陸啓法

舊隱繙經窟新成著字臺丹光浮浪出碧影到林回  
玉盃滴猶潤金竿燭未煤湖天堪不曉蘿月已徘徊

分山字

陸澄原

涼影在輕葛湖風十里閒衣香浮帶草看霧隱屏山  
松栢西冷路茱萸南國灣泥歡憐急雨歸夢亦潺湲  
分郎字  
陸濬原 嗣哲

茲水亦濠濮高臺跡未荒月寒波落影鐘動夜飄香  
白社難爲弟青溪亦有郎秋痕添幾許還避夜珠光

湯山存巖祠

宋 咸 爾恆

步出城南門山隈白雲曙故人淹淚看孝子思親處

案山詩

顧雲鳳

重來柱國樓春光已過半湖水漾清波海氣連霄漢

平湖縣志

卷十七

藝文

詩賦

三

枝頭黃鳥鳴野外班鳩喚壺觴一盡歡登臨殊忘倦  
東吳指顧間甌越雲山畔遊人笑語多畫舫笙歌亂  
漁艇泊平沙征帆移遠岸飛興欲成酣夕曛徒繾綣

觀濤閣看潮

王 端 正始

秋入南樓晚蒼茫對海門月生潮有信天接水無痕  
激石千珠碎轟雷萬壑奔滄波問何故辛苦達晨昏

遊天妃宮

王 端

升沉潮汐觸危磯一簇香林萬雪飛龍女獻花鮫獻  
織彩雲停處現靈妃

遊獨山

王梅

何處宜常往言尋獨有山浮雲將水逝幽鳥與人閒  
一徑通深谷經年掩舊關春風吹蕙帳高臥若爲攀

也園

陸懷玉 石舍

自種雲根二十年也園十畝總悠然豈無幽徑過韋  
曲亦有奇峯學米顛半砌苔衣清似水一池花石小  
於錢歸來便是西疇長晚稻秋香滿社田

夏日遊雅山

馬文治 遠之

所尙在巖壑遠遊彌自苦誰知廿里餘雅山亦澹古

平湖縣志

卷十七

藝文

詩賦

三

纍纍石色焦傑者更翔舞追琢若人功沉雄如伏虎  
岸然山面開吸納巨溟浦山情一何孤其骨含煙雨  
海外送青來皆入此山譜數峯如陣列茲獨建旗鼓  
吾曹尋幽心快然堪進取披襟對涼風息足坐茂樹  
欣此清平時閑情學巢父

國朝

四桂亭訪桂

亭在南郊

陸濬睿

以愚

桂花今歲早汎艇叩雲亭秋水一溪綠良苗千  
頃青飄香循曲徑憇蔭入疎屏鬱郁沾衣衽幽



齋任爾扁

宿望海樓

過銘盤

伯新

月高長嘯醉樓中微掠朱闌海面風夜半天妃

鸞馭去射波千點小燈紅

海面夜見紅燈隱躍土人云是天妃夜巡

李竹西招汎東湖分韻

華亭董

含

榕莽

重來湖畔繫扁舟九派秋濤遶郭流分罷詩籤

才共勝勒成觴政量偏優誰人宦路稱同調我

輩交情肯漫投夜半老龍眠正穩月明齊上弄

珠樓

平湖縣志

卷十七

藝文

詩賦

十四

芙蓉堤晚步

張兆治

枚璧

名園竹樹蔭精廬花外憑誰駐小車水佩風裳

零落盡美人渺渺獨愁予

東湖冶汎和仇滄柱

陸

楸

林士

宛汎平湖垂暮天西風晴采畫樓煙山迎人面

舟移坐月落花身酒入筵相問漚車邀弄笛一

時洛詠掩歌鈿遲從燕賞虛幽勝未遣風流付

蜀箋

村居雜咏

金

煜

朗如

開門長見九山青楊柳方塘鷗鷺汀三里龍湫  
居士宅海天一點少微星

春夜雨中渡東湖

沈瞻日

晚煙迷遠岫夜雨渡東湖林暗春山色燈分碧  
水波不聞新燕語只見落花多安得陽和日攜  
樽再此過

秋日招程我生同年飲弄珠樓 陸瑤林

秋色今將半登臨興不窮交情千里合明月一  
宵同籟寂漁歌起波平樹影空歡顏須盡醉堪

平湖縣志

卷七

藝文

詩賦

五

映燭花紅

金山忠烈王漢博陸侯廟

陸世楷

英一

煌煌博陸侯廟食自漢世椒房寵已移麟閣功  
未替豈同若敖餒而享非其祭廓然天壤間正  
氣日蟠際茲方偶鑒觀于時特憑契瞻茲東海  
隅葭葦成棄地大澤多龍蛇驕陵恣爲厲驅除  
奮神威金湯萬家庇行當啓湖濱雲旗遠來賁  
縱橫戰伐年往往著靈異嶽降遡清和祈賽紛  
焉至赳赳部曲雄帷幄凜參侍英風儼在茲過

者尚芒刺

白沃使君廟

陸世楷

水患方滔天四望鮮高阜使君何神術躍馬東  
南走揮鞭使倒流蛟龍遂弭首邱原乃可依厥  
民安井臼園廬漸以完村村遍花柳微君我已  
魚遺君頌耆耆白屋煥朱扉棖筵崇不朽旱潦  
輒有所歲時薦椒酒叢祠滿寰區文繡被土偶  
稽古洵足徵德馨庶能久捍患與禦災豐碑在

人口鼎據雄三方孰為龍虎狗

志云使君兄弟三人一在沙腰

平湖縣志

卷十七

藝文

詩賦

三

一在乍浦  
俱稱白沃

齊景鄉

陸世楷

北海去南海悠悠幾千里古云風馬牛越國遠  
難鄙不聞勾吳鄉親辱齊侯趾鄉以景公名曷  
由辨其始千駟民莫稱二桃士為死功德愧生  
前沒世誰崇祀歸然青墩傍古廟丹青峙思昔  
戰艾陵薦食憂封豕未覩越溪來終抱齊門恥  
牛山收淚餘魂魄寧畱此野語昉齊東遵海漫  
無紀三老泥前聞娓娓談孟子

天后宮觀潮

陸世楷

聖女靈祠遠近同倚闌騁望思無窮機忘人鳥  
參差石運徙鯤鵬上下風介馬突馳晴岸白旂  
燈雙引夜帆紅甘棠黃木波濤靜直指扶桑好

挂弓

閩中有甘棠港粵中有黃木灣海舶所集也

同虞卿叔游雅山

陸 棻 義山

不防山厓坦安知天氣融解衣寒矮菊岸幘聽  
高楓黛染嵐雲潤銀浮海水空招提無法侶小

憇亦匆匆

山南有獅子菴東有潮音菴其僧獐劣無可語者

平湖縣志

卷十七

藝文

詩賦

七

獅子巖前立嶺岼架石虛仰窺仙洞宵遙望水  
林疎一脈流泉細千疇漑種餘誅菑吾願足于  
此狎樵漁

新秋登弄珠樓

沈宗良

樓閣凌空接太清平收滄海入朱甍林間孤堦  
層層迴雲外遙峯箇箇明帝女何年來解珮仙  
人此日尙吹笙不知鸚鵡湖邊客少小誰傳作

賦名

佑聖宮古仙石琴

馬壽毅

仙院戒壇古昔爲魯公宅右列一間亭亭旁布  
兩石仙人跨鶴來市藥于亭側乃居三載餘一  
朝化其跡畱詩題壁間久焉漫滅沒惟茲一石  
存琅琅聲相徹傳云古石琴何必廣寒笛天地  
自然聲聞之濁腸滌返諸無聲初心與石俱寂  
重栽松風臺樹詩 有序  
柯宏祚 柯山

臺以松風名昔爲有松而名也臺爲宋竹菴祖  
師藏身處迄今五百餘年宰堵巋然而松風杳  
不可問今茲丁卯李子辰山始復栽松二十株

于臺畔更千百年龍蛇作勢風月畱人觀者幾  
忘非宋時故物李子于是遠矣感而有詩

登臨曾弔此荒臺誰愛長松特地栽曲徑春陰  
風易合半墻秋影月重來濤聲雜梵旋驚枕蘿  
障停雲欲長苔此日興懷憐楚楚人間應有棟  
梁材

新松深鎖舊僧寮處士栽成欲掛瓢老鶴有時  
巢古寺女蘿何處認前朝牛羊應惜枝方長風  
雨從摧葉未凋勁節漫嫌秋寂寞林間勝友好

相招

當湖西林寺冒雨

大典 韓 畱 經正

細雨能畱客清棋破寂寥半簷還撼撼中路轉  
蕭蕭落葉隨山屐寒雲沒斷橋西窗今夜宿無  
奈近芭蕉

悠然亭

嚴 嘗 次良

終古自悠然空亭一醉眠能通三泖宅直接五  
湖天送客愁飛絮聞歌識采蓮倚闌人老矣長  
望好林泉

平湖縣志

卷七

藝文

詩賦

五

謝廣文維賢招同陸秀才聚緱汎舟東湖時清

明前一日

寧波 周斯盛 澄山

僧舍經旬祇病眠不知春事滿湖邊相攜步出  
城東去楊柳桃花氣欲煙

令節正逢一百五輕舟閒汎雨三人弄珠樓下  
波如酒醞碧搖紅瀟瀟新

處處招提有茂林鳥啼花落得安心分明翠竹  
青青意誰向鋤雲去後尋

東湖畱別徐育齋

海寧 許 箕 巢友

三年三度過東湖老去交情喜不孤  
文有漆園齊物論詩看摩詰輞川圖  
綠蒲不意帆高掛黃菊時懷酒百壺  
笑我華顛癡獨絕如雲來往未嘗拘

登弄珠樓

嘉興盛遠宜山

白練平波烏榜船樓邊風色故依然  
晴烘雲氣橫遮塢青逼峯痕遠抹天  
遊事快逢寒食後栽詩貪倚晚風前  
憑闌何限憐春思堤柳如煙已二眠

平湖縣志

卷十七

藝文

詩賦

三

弄珠曲

陸埜我謀

雨暗芳洲去路賒晚煙深處有人家  
生憎兩岸桃花色不肯溪邊出浣紗

弄珠曲

華亭翁歷紀長

苦惜殘春到水頭弄珠聲似竹枝愁  
美人舊有懷仙珮雙鶴飛來月滿樓

當湖道中

海鹽彭孫適駿聲

夕眺高樓上林暉竟日清獨山秋戍  
冷三柳暮潮生漁火中流見鷗波永  
夜明蘭橈須小住煙

月正多情

東湖曲

秀水 朱彝尊 錫鬯

弄珠樓外月輪明九派寒潮一夜生怪道漁榔  
爭入市白鰕青鯽滿東城

十里湖光一葉舟五層塔火浴中流曉來寺寺  
霜鐘急驚起啼鳥掠渡頭

吳娃盪漿濕輕紈西浦菱歌聽未殘路入板橋  
舟去遠遊人尚擁赤闌干

博陸祠東畫舫開兩頭簫管勸交杯城門緩鎖

平湖縣志

卷七

藝文

詩賦

三

銅魚鑰坐待三更月出迴

黃雀披綿出葦荇花雞剖腹露紅椒不煩蘆瀝  
晶鹽滲米汁船娘手自調

鱸鄉鱉舍說豐年杭稻當湖熟最先一雨新晴  
纔幾日家家門外送租船

化城香刹裊幡竿五髻如來石作壇乍浦南風  
潮兩信新黃袖子滿堆盤

夾岸笆籬鹿眼麕近船花草錦茵鋪湖邊漸少  
閒田地隄上宜添賣酒壚



東湖沈氏園

高士奇 澹人

莎徑春深碧蘚斑高亭斜枕亂松間雨添新漲  
半篙水雲擁青螺一抹山穿樹鳴鳩催布穀當  
堦密藥見傾鬟佳遊不問園林主飽趁歸來日  
月閒

雙珉詩

為王柘湖李龍湫  
兩先生題墓作

沈季友

客子

埋玉荒留野蔓中柘湖遺韻溯嘉隆世皆欲殺  
真名士官亦宜呼小醉翁 先生由中祕  
謫判滁州 有客苔  
碑題晚翠無兒麥飯哭春紅一抔不閉才千古

平湖縣志

卷七

藝文

詩賦

三

葉葉吹人鶴警風

龍湫老去大名存一拜春荒小墓門鷗外廬空

符劍夢

先生居曰鄰鷗曾夢  
天上墜劍而喪子

梅邊月到想詩魂

遺豪有梅  
花百詠

青山獨映連蜷字白叟同澆塊磊尊

謂王復園 不有半堆冰雪裏誰將冷骨傲乾坤

兩俎詩

為李因仲馬和衷兩  
先生從祀鄉賢作

吾生不識老夫潛

李改名確  
字潛夫

仰止高於萬仞尖

葱嶺尚穿居士屨

嘗織棕鞋鬻  
於僧以易食

蜃園空閉隱居

簾 其居曰

魂來午海潮頭壯名在丁祠座尾巖

所重豈關香一瓣要將苦節破濃甜

聞風自小束書藤今日纔容拜豆登同氣難為

聯璧弟

馬之兄給諫亦負隱操

渾身苦似打包僧

每寄跡僧舍躬

為苦行

香名國典還堪勒碧血人心尚可憑無後

益章公論在熱雲不化此清冰

惟一女適吾家雙松老人夫婦

皆下世矣

東湖曲

沈岸登

覃九

東湖舊是我家湖青栢悵悵儼畫圖一自孝廉

船泊後酒邊意氣近來無

吾家孝廉小山公不事生產偕陸氏泛舟

平湖縣志

卷十七

藝文

詩賦

三

以東湖相贈

湖上頻攜硯北裝塢圩兩岸跨虹梁年來折盡

垂楊柳猶有倡條踈地長

畫舫斜陽急管絃賀家曲子串珠圓十番聽過

龍王廟明月初生曬網邊

湖人賀方洲以曲擅場今不可得矣

移家雁浦買漁舟卧看春潮門外流自分不來

城郭住夢中猶著一層樓

雁浦先方伯南郊題額余以名齋

羅公祠畔放生池池水飛綿逐釣絲不似南湖

魚樂國斷碑殘雨颯淒其

離離宿草寺田隈鸚鵡新龕白石堆老子尚能

扶杖到主人不見放鵬來

放鵬主人李延是葬處

獨山十里去城東人載

載音在

連檣趁晚風黃葉

僧歸村樹暝落霞分影半帆紅

菱絲荻絮眼前多但欠銀盤一點螺無處更餘

買隱地只留漁笛管烟波

同淮江登東湖弄珠樓

海寧

查慎行

夏重

但令興到便移船我得同遊亦偶然疎磬晚潮

孤影墀暖雲濃樹四垂天稱心圖書憑闌外經

平湖縣志

卷七

藝文

詩賦

三

眼亭臺落照前却笑詩成無傑句驪龍依舊抱

珠眠

望化城菴

金璞玉

柳城

竹林風味是耶非禪悅應忘靜者機隔岸鐘催

新月上扁舟僧載夕陽歸香田當日非無主遠

火臨湖倍有輝莫說奉常成往事堤邊垂柳正

依依

舟行泖中

時已夜分

沈之弢

東湖東去是茸城信宿扁舟三泖平星斗橫天

低接面人家隔浦不聞聲蒹葭渺渺中央水鴻雁迢迢百里程自是師門應負笈不同乘興剡溪行

丁丑孟秋重建弄珠樓落成 晉陵王瑋 東巖

百尺高樓四面湖僧鐘漁笛亂笙竽齊雲空有曩時址合浦重還舊日珠山影南來開畫障潮聲東去撼浮圖遊人秋水黃昏後認得廣寒宮殿無

傳說此湖名鸚鵡分明蜿蜒九龍舞一簇樓臺

平湖縣志

卷七

藝文

詩賦

三五

水面浮千丈雲霞口中吐睡起深淵弄夜光應逢旱歲爲霖雨地靈自有南陽人莫問漢臯鄭

交甫 董文敏題此樓有欲知交甫遺珠事之句

和韻

嘉興 鍾郭機 石城

碧闌干外俯重湖瑟瑟輕風起籟竽四野淨無山作障中流恰有岸如珠朝紅晚綠芳菲國過雨來雲鶻突圖憑仗使君詩檢校岳陽除了一

州無

和韻

寶應 王式丹 方若

蠹雲欄檻憑清湖春風萬籟鳴笙竽山容遙繪  
螺子黛海氣欲迸鮫人珠層層高掛墀鈴語幅  
幅細翦米顛圖登臨饒有謝公興樓前烟氣無  
時無

和韻

陸競烈  
嬾真

使君綵筆題鸚鵡樓珠戲共琴心舞光同霞嶺  
月黃飛景亦蓉湖蘆白吐照夜攜從神女雲招  
涼留得歸龍雨彈丸句好入松陵偏愧頭銜里

是甫

霞嶺單父地  
有半月臺

平湖縣志

卷七

藝文

詩賦

三

和韻

沈季友

勾留也合在茲湖琴韻重調豈好竽真是花攢  
都勝錦但爲龍抱卽成珠蒼浮枚乘觀濤賦翠  
抹徐熙沒骨圖若比我公襟度好香波千頃一  
愁無

百尺名高宰東鵝蓮姑魚叟僊僊舞家傳三樹  
世間攀句落九芒天半吐環入歐亭載酒山捲  
同滕閣開簾雨風流前後兩王君小頌殊慚思  
白甫

和韻

陸南英 曙輝

檻外芳洲對鸚鵡綠衣不見鳳花舞鏡水唯將  
鷺影留珠胎常看蟾光吐宰爲王勃賦落霞樓  
作丹陽同喜雨湖流渾似九龍朝樂土如韓魚  
甫甫

和韻

胡紹高 聞衣

紅樓皓月唵青鷗下有遊魚狂欲舞一鏡煙灘  
鷺羽飛千條雪渚蘆花吐晚潮鰈子逗疎燈古  
墻簷牙排宿雨蠹峙雲霄柏影蒼爲公祝誦如

平湖縣志

卷七

藝文

詩賦

七

新甫

和韻

胡紹安 國期

百尺層樓俯碧湖嶺笙吹處雜邱竽江臯女豈  
留瓊珮河上翁應握領珠約水芰多風可譜如  
屏山立骨難圖若論淳俗耽心賞杭頰雌雄勝  
此無

和韻

陸光耀 裕山

倚檻貪看面面湖中流何處沸笙竽祇緣仙令  
心如鏡始信神龍領有珠春水沿洄天上棹秋

山滅沒雨餘圖不知飛鳳臺前句得與黃樓抗  
手無

重建弄珠樓詩

張 綦 星若

勝蹟多年烟草中一朝重見倚青空龍從碧檻  
騰天闕珠向紅檐照海宮寶塢南懸晴靄合文  
峰北拱灑波通風流綵筆題鸚鵡宛是華亭宗  
伯公

登樓醞酒坐調絃霽鏡中開不夜天隔岸烟雲  
依水戀緣堤桃李得春先賦成九派如江浦詩

平湖縣志

卷七

藝文

詩賦

三

就東湖作輞川高動蕊珠宮裏月隨風飛到畫  
檐前

東湖小咏

張 綦

湖光瀲灩逐分流隨處逍遙到渡頭博陸祠前

雲岸碧風微雁陣貼書樓

劉園舊有四面樓結  
構蕭爽湖山掩映如

畫大司空聚書於  
樓董太史有額

高人絕俗獨吟安古蹟蒼茫畫裏看最憶仙禽

常解信風清時下濕雲灘

鸚湖東去數里有鶴  
舒灘趙王孫彝齋放

鶴  
處

東湖採蓮曲

沈 炯 叔輪

儂家只在橫塘西  
棹入前溪路半迷  
但憶來時花下路  
綠楊深處鷓鴣啼

重陽後三日集湖舫過松菴 陸大復 松澗

初罷龍山會  
重尋清夜遊  
紅燈偏耐月  
畫舫最宜秋  
密坐翻碁局  
分曹散酒籌  
烏衣半年少  
裙屐總風流

一徑入烟際  
遙聞法界螺  
老僧同鶴瘦  
沙岸喜人過  
把卷思高士  
臨風發嘯歌  
舊時觴咏地  
秋

平湖縣志

卷七

藝文

詩賦

三

水起微波

鸚鵡湖踏春

陸大復

蠟得吳鞦一  
綉輕延綠  
試作訪春行  
清明寒食愁  
多雨燕子揚  
花趁曉晴隄  
上冶郎驕躍  
馬樓頭小婦泥  
彈箏東湖亦  
是勾留處  
十里銀光看月生

竹菴

今梧竹居地

邵

嵩

葵園

何處幽尋古竹菴  
殿西小徑翠雲含  
千稍風動聲如籟  
一院烟橫色似藍  
藹藹青光來佛座  
亭亭



亭疎影拂經龕莖抽墻外龍將化實綻苞中鳳  
自諳深蔭午窻消溽暑高圍雨檻滴秋嵐僧棲  
敢羨金田布客到還思玉版叅講席遙遙開趙  
宋芳名奕奕表瞿曇林間掛錫曾留五寂後觀  
無却有三散步篠塔聊寄慨閒擎茗碗得常談  
而今兼植青梧在猶見荒籬繞碧潭

高公山觀海

李爲光 宛星

高公斗絕枕鼇宮疊巘層巖翠不窮望去老沙

渾接岸

海外有九塗十八灘土人謂之老沙

行來危石總排空吞

平湖縣志

卷七

藝文

詩賦

四

山雪卷潮頭白射海雲穿日脚紅安得成連聯  
袂坐秋嵐影裏拂絲桐

鸚鵡湖踏春

陸奎勳 聚緱

迷離一望可憐春有客攜筇欲問津蘭渚烟深  
花脈脈柳塘風細水粼粼鷗飛自逐尋詩艇鸚  
語遙呼作賦人記取夕陽無限好醉來微岸紫  
綸巾

和竹垞翁東湖曲

陸奎勳

月落東湖一鏡秋秋窗夜夜水明樓此中真有

西冷意

御墨雙鈎供上頭

柳外風輕打畫燒  
邊雲時度美人簫  
更誰解唱思翁句  
潮似潯陽九派消

鸚鵡洲邊落日催  
芙蓉堤畔首重迴  
茶毗一慟禪燈寂  
不看東園廿載梅

環海風吹一窖塵  
白龍山骨小嶙峋  
蜃園也逐嬰垣死  
何地能逢折角巾

李潛夫老友鄭嬰垣居貧凍死

白馬朱旗照夕曛  
錢侯靈似霍將軍  
而今苦竹

平湖縣志

卷七

藝文

詩賦

望

酬香愿祇信天妃護海雲

蘭秀周氏新詩韻最嬌  
綠窻未老艷情銷  
還留一

片寒山石鬱鬱深深瘞  
趙昭趙凡夫女歸當湖馬班

魚籀層層谷泖中  
菱缸續續馬園東  
秧田晚種

蘆花白洋舶新衰  
荔子紅

尋詩艇子弄潺湲  
小泊烟村水市閒  
野色正宜高處望  
牋天移與陸機山

憶東湖

華亭姚培和鈞風

東湖撥棹鏡波澄  
載酒尋花記昔曾  
柳暗平橋

停畫舫烟迷古塢訪詩僧紅菱葉小新鋪港銀  
鯽鱗鮮乍出層一片珠光樓月迴夜深欄檻共  
誰憑

遊鮑莊

徐 珽 子長

山莊雲塢喜相尋無異孤舟闖碧潯一棹涼風  
一棹雨半湖晴色半湖陰芳樽欸欸留人坐東  
塢亭亭聽客吟何意此來逢舊好九峰曾不少  
知音

古仙石

顧人龍 雲馭

平湖縣志

卷七

藝文

詩賦

望

真武宮前列竒石歲月相傳歷二百我持椎斧  
親考擊宮叶黃鐘商無射細音彈出絮飛颺大  
聲壯猛赴敵塲豈獨山雞登木末更聽盎中牛  
鳴長天然節奏韻笙篁彷彿孤桐生嶧陽撫石  
徘徊不忍去耳聞眼見非荒唐曾傳昔日有仙  
子遊戲人寰來城市賣藥街衢時沾酒醉眠石  
上遺雙履仙子乘雲歸閬苑此石鏗鏘砭俗耳  
惜哉伯牙長徃子期死千載何人辨宮徵獨留  
此石亘古今高山流水寫琴心

秋日登弄珠樓

秀水 朱昆田 文盜

畫欄面面豁新愁  
水色山容四望收  
九派晴波爭入浦  
一丸明月正當樓  
蛤蜊菰葉縈清夢  
螭鱸魚作好秋  
賴有詩人爲地主  
未妨十日此勾留

當湖雜詠

盧生甫

鸚鵡九溪圍一碧  
九山淡淡雲頭青  
禪屋西望水市沸  
塹尖風鐸搖空汀  
東湖

萬柳叢中插一筆  
雲濤四汨晨昏鐘  
登巔一望

平湖縣志

卷七

藝文

詩賦

四

海東際縹緲指出明州峰  
報本塢

古殿虛寒閉佛燈  
一重籬外棘縱橫  
繡衣當日

讀書處惟聽蕭蕭風竹聲  
普濟菴陸石年先生曾讀書于此

一僧斷指開金碧海國鄉  
園棄若漚湖上市收

人寂後疎鐘來打夢回頭  
萬峰菴

山向疇間青伏案  
泉從波底碧翻珠  
珠如鈞突

未成築案似虎邱多一湖  
案山泉云在湖底歲旱始見

澹沲春城似蟄龍  
閣添龍角宛成峰  
龍吟閣下有龍卧  
五夜吟來壓曙鐘  
龍吟閣

沿溪兩合小成村比部三傳尚有聲九坂羊腸  
足不踏別有天地關蓬門南園爲雲岫所築  
係陸懶真先業

別墅橋池自璽卿石庄粉畫一翻更當年白恰  
尋春去聽得鸞簫第幾聲園本馬仲臺別  
業後歸沈氏

慧老廬山此亦深西林端不讓東林元方一去  
子昂死誰向書窗聽暮禽主僧爲慧雲楚材已  
遷居水北竹野舊讀

書院  
丙

湖隱舊賜宋時額南城與我接比鄰不巾不襪  
過街去浴罷蘭湯滿室春湖隱菴

平湖縣志

卷七

藝文

詩賦

四

束身修行課兒書一夢西樓已破除尚記春衫

垂髮候三人鸚鵡學吟初三篋草堂幼讀書  
武揚家猶有耿園

華堂松下酒鐙紅話入霜寒謾謾中聽徹茶聲

鱗眼沸不知馬尾正搖風周翼皇書堂有針松  
一株最佳號松堂

西門先生隱大樹便作查乘霄漢回一一孫枝

盡秀發爭開白雪彭園梅馮君可先生世居西  
門後移于樓其旁爲

彭園藝  
梅百畝

陸氏家學兩名卿上書未第聊歸耕一編新讀

釣鰲處終信龍頭屬老成犖仲先生移居  
湖濱有釣鰲磯

同壇青破一生瓊驄馬勲名二十年几杖最蒙  
猶子愛蓬山桂海憶纏綿青秧里陸武園先生與先子同筆硯余在

粵中從遊最久

一菴矮屋小于舟市入梢來折處幽但說安仁

秋有賦季常點筆更風流藥菴潘芳貽讀書其

其旁

荷衣一脫春官第五十成名亦未遲搖却吟鞭

看花去五羊城下再題詩荷花池馬又昭曾再入粵

五柳先生幾葉孫菊籬風過雪梅村對人冷意

平湖縣志

卷七

藝文

詩賦

巽

最絕俗塵外翛然一室存陶榭

峻閣朝真步斗庭老人處士一天星只今惟有

鍊師在夜夜雷壇走六丁松塵山老人顧雲馭處士屠大儒也郭去

勝授法于穹窿戒律最嚴

釣竿已折清溪老松影過墻還百株借與幽人

伴岑寂黃衫揮塵讀青烏郭翁垂釣處

金章未拜朱翁子鐵漢真稱劉器之鄒魯授徒

歸未得平生風節是吾師萬安橋嚴西武太史所居

秋水雙瞳瘦鶴身誰人識得澹中真一從挾策

干時去空閉橋南小宅春

起麟橋張望之住此

玉立脩髯老愈孤寓園家食嘆蒸瓠十年未斷

山陽淚意氣金蘭天下無

寓園陸莊簡別業馬從爲寓居于此

清憐仲叔奏雲璈古愛康成金錯刀晚出雪山

最橫絕舉旗初試凌風毛

蘆川文風開于閔子衡鄭叔度近日洪清

人一試

冠軍

當湖雜詠

于東景

烟波極目浩無涯苦竹山頭風雨斜海賈游魂

招不得年年愁見浪淘沙

柳州有招海賈文

平湖縣志

卷七

藝文

詩賦

哭

晨鐘暮鼓任紛紜且著青州布七斤底用焚身

驚世俗可憐癡絕老鋤雲

普濟菴鋤雲塢

南渡王孫住廣陳野花芳草至今春如何清遠

吳興地大有元規塵汚人

憶趙彞齋

復憶疎狂姚秀才山邱華屋總蒿萊清詩零落

無人刻千載誰知庾信哀

姚秀才世靖有翠樾軒七律詩逼真大歷

亦嘗居

廣陳

從前賢令難僂指第一羅公遺愛長清俸買田

留學校絕勝干樹蔭甘棠

明羅邑令尚忠青陽人

混跡醫翁道士間半生鄉井不知還一杯黃土  
鸚湖曲剩與閒人說放鸚

李辰山葬在  
龍王塘側

橋李遺詩不盡傳壁埋珠擲盡堪憐南疑辛苦  
勤搜緝無數吟魂泣九泉

壁間妙跡尚書字顆顆明珠未寂寥三尺青珉  
驚羽化人間空唱弄珠謠

弄珠樓石刻董思翁  
七律二首今已無存

浙西爭說六家詞黑蝶風流擅一時零落更憐  
閒水墨空林黃葉幾枯枝

沈南渟有黑蝶詞間  
作水墨直逼雲林

杜陵詩自魯豈編內相文猶陸氏傳古往今來

平湖縣志

卷七

藝文

詩賦

七

堪涕淚振興端賴後人賢

里人猶說康參將戰地殘骸不復還杞婦淒涼

餘馬鬣夜臺空上望夫山

康婦墓見潛  
夫九山志

侶雲詩句絕纖塵佳處無人得問津剩有無窮

家國恨小蒸休說管夫人

趙昭寒山隱君女適  
邑中馬氏有侶雲居

遺稿人有題仲姬畫竹云宋室山  
河多少淚絕無一點到箴箴故云

春日游東湖

嘉興

錢陳羣 主敬

東湖最勝是湖東乘興重來一棹通孤寺半脚  
殘照裏紅橋多在綠楊中水門曲處烟皆合山



色深時雪正融如此風光如此景百年更與幾人同

乍浦登湯山望海歌

錢塘 桑調元 伊佐

方輿四際水四周乍浦一角居東陬客行到此望東海奮身飛上湯山頭滄溟勢與天混一天東海東寒悠悠湯山之脚插海底山巔徃徃噴龍湫檣竿成林巨艘蠹波力所到搖輕鷗隱隱黦點出洋面倏忽帆湧如奔牛秦駐一峰綴萍葉海中春動鋪青油連朝沉冥烟霧積今日日

平湖縣志

卷七

藝文

詩賦

吳

上紅錦毬晴霞光焰燭萬道龍蛟宮室堪窮搜天容海色徐淡沲豈容蜃氣嘘臺樓浮空島嶼依微見黃盤山似黃盤浮瀕海小港潮吞吐艖艗新造塗彤髹訓練水師鎮重鎮營房移駐千貔貅東南西洋開道路高麗大月雙琉球重譯且來蘇遼國波濤平帖行田疇貢舶所通通市舶擁入浦口連千舟時平有備慎封守

廟堂遠大存謨謀試取百壺暢懷抱左手右手交相酬脚底亦有九峰在峰峰踏遍蒼苔幽人間詩

意略收拾光怪應須入海求溟濛積水無險阻  
撇漩萬里騎螭蚪蓬萊方丈亦小景洧盤咸池  
非遠遊九點烟涵一泓水蒼茫元氣探齊州乘  
興不勞擇日出金芝玉屑充糧餼回頭親舍白  
雲下汗漫欲游且復休長嘯天風捲海水有人  
驚起鳳麟洲

戊午十月由海昌攜眷赴乍浦攝篆夜泊弄珠

樓口占

閩縣林緒光鳳溪

危樓無恙簿書新留得烟霞伴此身廿載行藏

平湖縣志

卷七

藝文

詩賦

四

仍托鉢兩湖風物自勾人遠鐘涼月消殘夢落  
葉清霜報小春滿目妻孥皆後輩憑闌默數去  
來因

東湖曲

沈修齡 遐菴

九派湖光接九山山容不露水容閒游人更愛  
斜陽好寺寺殘鐘聽盡還

雁齒先成埵院邊萬峰刹影隔疎烟近來四面  
通游屐不費雙錢喚渡船

垂楊二月盡成絲深處安排香閣宜誰傍曉奩

見梳掠眉痕淡似未描時

珠光不定水中央鸚鵡洲名比漢陽合配江樓

崔顥句戲鴻落爪最飛揚

文敏有戲鴻堂帖

佛柑諫菓味堪誇一夕南風到海槎何似梯山

尋紫帽翳簾小載武夷茶

亞字紅闌樓角東靈旗不滿一竿風鐘聲初靜

潮聲打春雨祠堂碧草中

普濟舊係先大叅公祠

不將秋九換春三烏相霜濃葉葉酣何必吳江

橋百尺好風景亦並江南

平湖縣志

卷七

藝文

詩賦

楊花掠水鱖魚肥添箇魚舟計漸非驚晚坐吹

西塞曲年年空負釣魚磯

冬日泛舟東湖歷遊諸園

奉化嚴瑞隆吉人

郭外幽踪取次尋裘茸不厭曉霜侵遙山九點

披橫幅濁酒三升供苦吟斜日弄晴籠岸荻朔

風吹冷卧沙禽後期冰雪還留約試訪寒梅入

竹林

陳山請龍謠爲林邑侯鳳溪作

劉錫勇硯芬

拊我鼓兮緝我瑟椒漿桂漿蒸瑤席願托巫陽

爲蹇修靈連蜷兮窺瀨石谷  
嶄巖山岑嶺風聲  
花骹中雲氣龍從出貝宮  
鱗屋心飛揚龍湫蜿蜒  
光蜥蜴卽今旱魃方憑陵  
圭璧用禱龍之靈  
神君至誠感來格吸川向  
若驂螭行下山薄暮  
猿啾鳴雷填填兮雨冥冥

報本寺五老峰

陸培翼風

奇峰從何來屹立老人五鬚  
蒼具髣髴形態極  
仰俯溜雨色蒼然當空互撐  
拄山門永作鎮過  
客時爲撫而我疎遊筇覲面  
悵閒阻池東昨折

平湖縣志

卷七

藝文

詩賦

五

東邀賞紅荷嫵挈舟勝侶偕  
結契招提古相輪  
感興衰檐瓦窳蒼鼠惟此丈  
人行對客自軒舉  
層層護苔蘚一一拱梵宇名  
從廬阜錫象協星  
躔聚想當月上時僧鐘度幾  
杵聽法盡點頭肯  
與頑礦伍仙靈疑往來雲烟  
歛吞吐誰與整袍  
笏再拜罄偃僂投詩宰堵波  
風鈴如答語

清獻公祠堂落成

陸培

新堂奕奕闢三層版築工從  
隔歲興直節清聲  
風詎邈開來繼往力堪勝千  
秋配食躋濂洛一

姓專祠煥豆登從此橋東溯芳躅春蘭秋菊永  
相仍祠在香花橋東

陳山白龍湫

葉之溶笠亭

一勺龍湫水居民禱旱勞地藏神物異山得孝  
廉高泉脈成靈雨松風結翠濤海濱能望遠秋  
思正蕭騷

張龍威招同陸南香紆齋耐士諸君集弄珠樓

錢塘厲鶚太鴻

為選東湖勝相攜上野航層波圍酒地疎樹入

平湖縣志

卷七

藝文

詩賦

五

漁鄉舊雨前期在新晴客思忘十三回月子流  
照一樓霜

東湖月出回航中流有作寄舒明府

厲鶚

留人月似東湖主也逐船移浦淑開直擬君山  
吹笛去渾如神女弄珠來寒驚白鷺一羣起春  
逼蒼龍七宿迴尚憶連宵趨府客不同婪尾試  
深杯

二月七日汎舟東湖

仁和杭世駿大宗

扁舟衝曉泛留犁二月風光花滿谿嵐翠遠從  
天際落林鶯偏近水邊啼故人同赴開沽約好  
句應慚信手題歸路臯亭看紅雨一尊相對惜  
分攜

晚登報本塢

陸載紀 抱青

夕陽遠景淡相和差喜東風變舊柯直上雲霄  
青靄合俯窺城郭翠烟多一聲清磬蒲帆出九  
派寒潮夜月過二十年來空有賦士衡二十而作文賦登  
臨莫謾發長歌

平湖縣志

卷七

藝文

詩賦

五

十杉亭卽事

陸載紀

杉樹參天日往還小亭幽絕水潺潺更無熱客  
題新句綽有寒花駐好顏時梅花盛開綺席乍開分  
綠酒紗窗隔坐共看山興闌啼鳥歸何處自笑  
夷猶醒醉間

憶東湖

陸 綸 懷雅

珠臺却憶三春晚鏡水遙看九派分楊柳陰中  
僧寺雨夕陽波外侍郎墳謂五世祖津陽公之墓初飛燕  
羽迎風落半醉笙歌別浦聞白塢橋東閑獨上

海山青鎖一重雲

白露前一日東湖晚眺至北寺妙巖山房

韓戴錦 貽蓀

涼蟬聲裏白蘋香秋氣蕭疎在野塘趁渡人歸  
喧小聚打包僧立背斜陽眼前有景從誰說物  
外何心問彼蒼點筆山窗詩未就幾回叉手更  
巡廊

題松在

韓戴錦

竹斷溪迴結小菴當年高士此幽探秋風春夢

平湖縣志

卷七

藝文

詩賦

五

消磨盡不鑄鍾期鑄老曇

天然結構不須多略翦松杉綴石坡此是輞川

真畫本蓼灘楓渚隱漁簑

臘月二十日集懷橘菴分詠乍浦古蹟得飛來

鐘

張雲錦 龍威

古鐘知何年週遭無款識漫加飛來名傳自浮  
海至蒲牢斷聲聞空翠闕蕭寺

汎舟棲心寺示詩僧

張雲錦

重陰如作暝一望滿平蕪精舍不通市昏鐘時

過湖雀喧知雪近地冷種梅無贏得殘僧在清  
吟與客俱

東湖春汎分韻

張雲錦

二月晴湖似熨羅連朝喚艇得同過遙山幾點  
白雲合近寺一林紅雨多節物江南偏較早風  
流洛下比如何誰知鐵笛清狂甚賦罷嬉春自  
放歌

二月七日汎舟東湖

陸銘一 恕先

連朝已試踏青鞋又趁湖船到水涯柳破鶯兒

平湖縣志

卷七

藝文

詩賦

七

烟外裊天垂卵色鏡中揩且憑濁酒添吟趣莫  
遣流鶯攬客懷歸去尚留餘興在辛夷搖月滿  
清齋

雨中望九峰次竹田韻

滿洲

舒

瞻

雲亭

涼陰罨斷岸曉色迷孤鴻倚樓望九山海氣連  
遙峰颯沓雨不止蒼茫秋幾重題詩憶潛夫飄  
然希高蹤

同人集弄珠樓

舒 瞻

共有登高約移樽煙水間秋多黃葉寺天遠夕



陽山勝地耽幽賞官身許暫閒東籬花正好相對一開顏

九月十日乍川舟次

舒 瞻

登高餘興在重泊泛湖船黃菊已明日西風又一年寒雲迷古堞折葦亂秋烟向晚橫塘外菱歌幾處傳

白沙灣道中

舒 瞻

秋色蒼然一望中白沙路近海門東荒村但覺人烟古落日遙看海戍空水氣有時還作雨霜

平湖縣志

卷七

藝文

詩賦

五

林無處不吟風故園回首三千里迢遞鄉心數

塞鴻

冬日泛舟東湖歷遊諸園

舒 瞻

瑟瑟蘆波畫舫移帽檐風急峭寒時偶然小飲逢田父自省前身是釣師幾處名園容借榻一番清事獨支頤新詩哦向橫塘外宿鷺眠鷗多不知

立冬後一日集黃雪山莊

歙縣

孫象治

荆園

丹楓飄欲盡寒節屆初冬乘興放孤艇登樓數

九峰茶隨僧意淡酒爲客情濃夕照南岡路叅  
詩逐短筇

冬日泛舟東湖歷遊諸園

蕭山 沈世隆 旭亭

不厭湖船載酒頻名園引興一時新寒松修竹  
思邀雪淺水低橋恰渡人天外風霜摧落葉蘆  
邊鷗鷺伴閒身南臯梅信如相約好待攜詩更  
問津

東泖四時謠

唐起鳳

春風恬春月妍春波澹蕩流春烟妾住泖西頭

平湖縣志

卷七

藝文

詩賦

五七

郎居泖東偏隔湖相望不相見過墻蝴蝶雙翩  
躑桃飛紅雨梅如荳嬾繡鴛鴦學柳眠

蒲風煖牛月喘鯨波一吸銀沙淺郎鋪白玉牀  
妾展青湘簟夢中攜手度虹橋驚回呪殺花陰  
犬倚欄長日不梳頭奇峰斜壓烏雲軟

秋風清秋月明無邊秋水正盈盈郎食鱸魚膾  
妾飲蓴絲羹世間至味濃如酒未抵相思深復  
深菱花千頃空照面蓮子一蓬多苦心

朔風猛寒月迥冰結長湖斷漁艇妾擁紅圍爐

郎燒古寶鼎那知一種熱  
心情夜深琢雪還烹茗  
玉漏敲殘五點遙  
銀缸落盡雙花冷

東湖偶泛和昌黎山石韻

葉鑾筠客

湖光九派烟樹微  
木葉獨攬秋雲飛  
鷓鴣低傍楊柳岸  
時能飽啄鱸魚肥  
荻葦棹入鴨頭綠  
細蕩林影行人稀  
日暮田家刈稻歇  
逢年不用愁啼饑  
村墟卜築對蕭寺  
落花流水雙掩扉  
靜裏聲藏百蟲息  
獨有皓月生寒霏  
搖空樓閣弄珠外  
崢嶸埤堦俱成圍  
遙峰聳秀恰當面  
凌冷置身如在青冥上  
遊仙高嘯忘來歸

泊弄珠樓

秀水王又曾受銘

恰趁幽尋出郭門  
浴蠶天氣野風溫  
櫂搖塢影魚爭唼  
人立沙頭鴨有言  
樓閣昔曾披畫見  
嶺峰今訝隔雲昏  
姮娥怪我添霜鬢  
不放纖纖月一痕

九日集弄珠樓禁用故實

葉諫信臣

看萸纔隔歲載酒又今朝  
冷色侵樓角西風健

艣腰霜花晴自媚秋水澹何遙獨立耽高詠  
情上碧霄

詠當湖古蹟

葉諫

落日掛湖渚閑雲鎖綠苔六朝人不見空有讀

書堆

顧野王  
讀書堆

寥寥蜃園詩卓卓龍湫客何處弔孤墳青山澹

將夕

李潛  
夫墓

東湖曲

葉諫

二月嬉春未覺遲畫船輕繫綠楊絲阿儂不愛

平湖縣志

卷七

藝文

詩賦

五

新翻曲只唱當年黑蜨詞

沈岸登有  
黑蜨齋詞

塢圩橋下水粼粼趁暖銀魚白似銀向午漁孃

齊上市作羹先喚酒樓人

銀魚出塢圩  
南天暖則聚

冬日泛舟東湖歷遊諸園

烏程

計士枚

卜亭

晚歲清遊趣轉賒橫塘曲渚路欹斜招攜鷗鷺

皆同調問訊園林更幾家竹抱冬心猶待雪梅

含春意未開花山僧試與揮殘墨著我東湖泛

釣槎

過高氏北墅懷蘇雲卿

沈

發

慎齋

小舟出城北數里到馮園欲問前賢迹徒傷懷

古魂鬚眉留斷碣舊有石刻臺榭指荒墩猶有

風流在蒲鞋製不謖馮園蒲鞋迄今價重

身隱名俱隱何來禮幣為早知難了事語見雲

忍見潰成師張魏公符顯晦鴻泥杳滄桑歲月

馳馬牛風不及一証豫章疑雲卿隱鹽官之東

湖非是

登陳山 沈發

九山管領是陳山百丈危梯登頓艱得到龍湫

平湖縣志 卷十七 藝文 詩賦 卒

欽石坐松風泉溜互淙潺

登雅山 沈發

鐵色空嵌奇絕處大峰嶮岬小峰擎振衣更上

望仙嶺一線潮迴紫霧生

同大兄三弟泛東湖 吳嗣爵尊一

吾鄉風景好名勝說城東塙影橫樓外山光入

鏡中草萋分水綠花發媚溪紅追憶偕游地重

來感不窮

登弄珠樓感懷 吳嗣爵

危樓四望鏡中懸  
圖書分明在眼前  
三泖波光浮檻外  
九峯雲影落吟邊  
還鄉舊約纔今日  
勝蹟留題憶昔年  
清興尙餘裙屐在  
肯教辜負水山緣

題張氏十杉亭

吳嗣爵

張氏有園足幽討  
臨湖湖水相潑抱  
三徑紆迴疊石成  
當年結構不草草  
入門樹色何蒼然  
翠黛參天霜雪老  
湖波一碧橫疎林  
我來恰對秋光好  
攜朋挈榼興不淺  
便坐莓苔不須掃  
圓思

平湖縣志

卷十七

藝文

詩賦

十一

載酒少年時  
豈料重來首成皓  
風光過眼如烟雲  
莫辭一飲千杯倒  
蘭亭梓澤安在哉  
拄杖狂歌睇層昊

東湖竹枝詞

徐士穀

介蒸

東風啼盡鷓鴣愁  
旅客魂銷澤國遊  
鸚鵡洲前水泐泐  
生憎不肯向南流

九派湖光潮汐來  
九峯黛色雲烟開  
阿誰綽約臨粧閣  
幾箇青螺伴玉臺

雲是魚鱗綺是霞  
臨流幾處拓窓紗  
桔槔确确

添苗水好句顛公蛻骨蛇

犖犖确确蛻骨蛇東坡咏水車句也

布穀常鳴樹杪間哀猿不嘯隔青山孤標五老

忘寒燠占取泠泠第一彎

廣陳訪趙彝齋故里

馬恒錫

久延

閒訪王孫宅蒼茫一水秋風尖蘆語急路曲艣  
聲柔荒徑無芳草寒潭有白鷗詩成共愁絕凝  
望客東頭

訪李潛夫先生蜃園故址

馬恒錫

九點青無恙蜃園跡可尋梅花高士照香草美

平湖縣志

卷十七

藝文

詩賦

空

人心遺棠留天地清風振古今相於話兩俎名

共重儒林

九峯春曉

馬恒錫

破烟一鳥喚林椒螺影分明看乍描郊外好風  
歸細柳海東初日上寒潮幾來游女仍挑薺合  
約詩人共掛瓢不信蜃園春寂寂梅花如雪落  
溪橋

松在懷高逝禪師

馬恒錫

閒尋栽松均板扉掩三徑不見撫松人松子落

清磬

春晴招同人集湖舫從西浦觀六橋諸景

鮑詢 咸吉

湖上春寒晝欲暝東風放棹客重經呼晴鳩自  
深藏樹拍水鷗偏遠逐汀一抹煙雲疑北苑六  
橋花柳比西泠臨流不盡銜杯興又向斜陽落  
處停

十杉亭

海鹽 蔣泰來 天麒

四望平湖九派殊半庭斜日下荒蕪春回老樹  
花仍吐客至芳塍騎暫紆天際風雲容我覽簾  
前杉石倩誰圖他年倘補名園志鴻爪於今定  
有無

平湖縣志

卷七 藝文 詩賦 三

夜過鵝湖

蔣泰來

扁舟夜渡鵝湖東十幅蒲帆任好風醉眼不知  
天欲曙五更殘月落疎篷

到松在菴懷德衛和尚

仲述古 拙宜

松在人何在悠悠歲月長更誰吟秀句有客到  
禪房屋竹浮烟翠庭梅帶雪香一杯遺蛻近蒙



密樹成行

寓松在菴和心弦上人秋興韻 仲述古

陂陀高下枕蓮池池上商飈起竹枝桂樹花開  
金瑣碎楓林霜染錦離披青黃野色穀登候顯  
晦雲光雨過時景物眼前皆可賦不須獨爲凜

秋悲

蒹葭圍余氏五節婦歌

陸微

有婦有婦蒹葭圍三十七夫遺二兒辛勤直共  
鬚眉亞廿年娶婦期年寡重將夫淚哭兒亡腸

平湖縣志

卷七

藝文

詩賦

畜

斷還將季子償天嬌二八方成禮太息兄災復  
延弟雙雙各抱藐焉孤不省人間有丈夫女亦  
于歸失良偶無兒可守依孀母青燈茆屋磨床  
聲涓滴銀漿和淚成白頭努力青鬟佐遍歷饑  
寒長孫大重然花燭宴良宵悲餘相慶還相勞  
是時老婦已七十堂前一笑孫兒立不道天心  
總未移仍教少婦存空閨艱難于此兼無子白  
頭遂以憂愁死伶俜女婦共相依姊老姒亡家  
益微厥今禾稻連年惡珍錯家家噉糟粕何況

區區是女身筋骸定作蕪葭塵吳君昨過松間  
說匝屋松風清且冽一門五節何崢嶸烏頭佇  
企他年旌

九日登報本寺浮圖

沈初雲椒

岩堯古塢聳禪關百里西風眺望間樹影紅藏  
湖外寺天邊青出海門山荒田看盡飢鳥噪小  
市相逢醉客還莫漫登高悲舊侶芬然霜菊對  
人閑

玉帶河雜詠

陳朗太暉

平湖縣志

卷七

藝文

詩賦

奎

我家亭館號青柯門巷前臨玉帶河北去松風

港影直相思堰畔暮潮多

相思堰在城北與東湖潮汐相通

翠木蕭疎覆古墳斷碑猶表賀將軍太虛一碧

樓何在十里幽瀾浸夕曛

河畔有賀恭靖侯十萬公之墓太虛一碧

樓侯所建卽今普濟故址

尙書別墅枕寒波石徑蒼涼長綠莎猶有當時

鴨脚樹秋來留得夕陽多

南岸有陸職方廢園

文昌閣外月華生手弄娑羅看月明夜靜天風

吹玉珮紛紛青子落秋坪

閣下有娑羅樹不種自生今已拱矣

當時誰建浦花堂買地鋪金供淨王日暮遊橋  
流水急行人漫說買平章

德藏寺本宋魯肅簡公所建今浦花堂其故蹟也俗稱賈似道舊宅指西北遊橋為賈遊燕處者誤

何年寺塔鑄銅鐘夜半星星霜宇空聞說聲傳  
十八里穿雲渡水到新豐

忽聞梵唄響空廊獨訪閒僧梧竹房山月池邊

孤月白松風臺下晚風涼

梓徑生香月在天霏霏紅雨滴階前林花開落

自今古不見行吟趙孟堅

趙子固有梓徑詩

平湖縣志 卷七 藝文 詩賦 空

東湖采菱曲

陳嗣龍 春淑

明流淼淼連平楚欸乃清歌渺何許濕烟吹霽

生微涼白苧輕衫擢吳女吳女家居紅蓼村殷

紅淺白蘼離根荷衣零落芰衣製花鏡澄明水

鏡昏含花含實鎮相羨濁水清水秋光遍雞羽

翻時翔綵鴛錦文鋪處橫匹練寒空印碧與雲

連一棹撐開卵色天荇帶微紆青玉疊蓴絲斜

繫木蘭船渚香一片西風送鬢雲縈繞桐花鳳

的的紅嬌映玉顏離離翠婉如筠粽輕舒皓腕

掇秋英甲暈芳痕分外明試問蝶衣盈一掬何  
如鸚嘴搗三更懷珠蘊玉良已久今朝採入織  
織手綠葉浮根間白蘋青莖排刺依紅藕歲云  
秋矣紫泥敷烟雨樓前熟也無見說使君增植  
後東湖不復遜南湖

還珠行

湘潭 張力行 顧堂

東湖弄珠樓向存華亭董文敏石刻係萬歷中  
爲邑令蕭使君作也歲久樓圯石亦失去近海  
鹽張明經芑堂爲予訪得之於海昌查上舍家  
故物復還仍置弄珠樓下歌以記其事

平湖縣志

卷七

藝文

詩賦

七

東湖抱奇勝題詠多名流鐫刻傳墨妙一一藏

珠樓歷歲樓忽圯殘碣遺荒陬王公蘇白才

名

武進人康  
熙中令此

位置煩紆籌傑構復經建棄石勞重

收飾壁藉珍版常欲光采留華亭詩獨絕石失  
難徵求屈指時已久父老都白頭且言目未見  
撫景徒夷猶余也踵芳躅好古勤冥搜有客辨  
寶氣購得遙相投摩挲拂古字宛轉行秋蚪蕭  
君本楚產余亦濱湘洲楚弓還楚得作合何相

侔勒石勝長句韻與湖光幽金石關掌故還珠  
貽千秋

東湖秋泛

張力行

桂花初黃新月白良會難逢此朝夕乘閒不作  
汗漫遊轉眼秋光如過客東湖八月湖水平鏡  
裏浮波濯冰魄珠樓瀛館列參差縹緲蓬萊疑  
不隔簿書慚愧日倥偬偶息塵襟訪遺迹招朋  
試啟步兵厨鼓棹夷猶挂征席山林如畫淡秋  
容指顧東西供點畫六橋晴市三寺鐘一堦橫

平湖縣志

卷七

藝文

詩賦

六

空去天尺繫蛟事遠餘清流釣鰲臺荒惟白石  
但傳鸚鵡改湖名不見使君走馬策支分九派  
滙城隅盡是瀾迴千嶂脉斜陽微醉刺船歸晚  
峰又上寒烟碧

詮香書屋

張力行

大道原無隱憑誰片語傳幽香通鼻觀名理謝  
言詮芸碧連芳徑藜紅出短椽還將堂構意喜

占一枝先

時次子經田切  
領鄉薦第五

天香亭

張力行

幾枝金粟繞疎楹點染秋光景倍清老榦記年  
真閱古平臺得月最多情亭前有觀  
月臺舊址飄從雲外  
原無影落入庭前似有聲雅韻自慚荀大令衣  
香欲向座中生

詠古蹟八首

張力行

九派環一洲彷彿漢陽道鸚鵡不飛來萋萋自

芳草鸚鵡洲

鳳來識賢守人去認荒蹊歲歲桐花發凡禽不

敢棲鳳凰基

平湖縣志

卷七

藝文

詩賦

五

井甃出泥中無禽占已久疑是列星精夜夜光

衝斗東湖古井

曾到鳴琴處荒園此重尋遊橋亦思魯延佇碧

雲潄魯肅簡園  
遊橋屬東  
臯園海鹽有思魯橋

名賢昔著書堂構承遺澤往事說三魚清風傳

采石三魚堂

波浪來無際危樓眺望賒只今餘故址四海盡

為家鎮邊樓

問石石不言傳疑竟誰考憐此不轉心千秋堅

婦道 孟姜擣衣石

琴趣石中尋無勞絃上音鼓琴人不見苔掩白

雲深 琴石

冬日偕同人登報本塢

沈朝炳 竹軒

報本塢高高百尺峙向湖濱幾日夕一朝雷雨  
西北來瓦石東飛碍登客自從壬申秋迄今癸  
酉夏糾貲重經營民力亦云謝隆然金碧交生  
輝依舊橫斜勢欲卸曉來晴色霜滿城朋輩招  
邀試一行遠望猶懼不可上身入其中忘零丁

平湖縣志

卷七

藝文

詩賦

七

躡踪那嫌天梯滑掃壁張若佛火明明曲曲雕欄  
周遭翼但覺眼界曠而清雲開鴻影低木脫山  
容瘦帆檣隱波烟園林垂橘柚盤高露旣盈風  
動幡全仆梵倡晨隨落葉遙鐘聲夜傍月輪吼  
誰言班輸結構工只抵宣和采繪就 宣和畫譜有郭忠恕  
雪山佛剎圖 下時兩腿已告慵細思不禁感慨濃羣  
公奔走良不易旁觀莫冷五老峰

上元日遊尖山

陸烜 秋陽

初試遊山屐風光正上元雨餘春草短竹外野

梅繁斜日明孤嶼疎鐘落斷垣下方今夜月歌  
吹滿塵喧

春日遊棲心寺

陸烜

歲月人間信有涯偶來蕭寺閱年華一番整整  
斜斜雨幾樹疎疎密密花暖徑忽融蝴蝶夢迴  
廊初散密蜂衙乘春行樂且如此卧聽山厨粥  
鼓搗

觀海書院課士作

朱鴻緒 省莽

九峰當戶曉蒼蒼桃李含春萃一堂思入無邊

平湖縣志

卷七

藝文

詩賦

七

滄澥濶法叅不二梵宮香

時因書院湫隘借課四明僧舍 驪珠

此日同探領錐穎何人早脫囊鹿洞餘風今最

盛卽看海角盡琳琅

當湖古蹟歌

錢塘 趙學敏 恕軒

舒公井何甘清眩人目水常盈寺中有泉且愈

病 寺舊有華光井汲其水可療疾

此井雖出莫與爭但傳舒公

姓不傳舒公名舒公已古井已廢浪花猶荅書

中聲 舒公井

鎮邊樓高高可摘星屹然巨鎮海宇寧大山如



拳小山米重洋遠眺無遁形太平今喜一中外

千秋常鎖九峯青 鎮邊樓

玉泉水如玉烹茗絕塵俗

其水煮茗無半點塵滓與白玉恒似載程

志春風匝地來吹縐一池綠憑誰調水剖新符

晚寺斜陽聽僧浴 玉泉池

都尉庄臨東柳角都尉田飼華亭鶴鶴去田已

荒空庄路眇邈扶桑日出海水紅剩有村鷄啼

喔喔 石尉庄

德藏寺古傳異鐘鐘聲十八里鑄聲兼鑄銅屢

平湖縣志

卷七

藝文

詩賦

三

遭剝蝕性難滅又成塢頂成塘工

鐘後破蝕改鑄塢頂久之

海塘陷築難就頂忽飛墮海墀用為錠石工遂成

造化生物皆世用安

在頑器無神功不信但看飛來鐘 德藏鐘

不聞石化星但見星隕石在天成象石亦靈在

地成形星亦蝕陳山兩兩交闕來或是空中墮

龍食世無景純此理莫測試看海天風雨多觸

雲還怕能生翼 飛星石

過靖獻先生陸正墓

徐志鼎 茗園

古墓荒村裏遺民自昔傳斷霞明落日宿鳥上

孤烟絕學師前哲  
名山結靜緣  
一杯誰與酌  
悵望暮春天

詠古蹟

徐志鼎

風裳水佩影纖纖  
太守園亭蔓草淹  
怪道抽毫

豐澤賦池邊猶照舊銀蟾

陸太守世楷園在東湖芙蓉堤上張園十

杉亭舊為陸閣學業丙舍別業因試豐澤園賦取第一陞閣學

慮始難憑衆志堅  
成城請自縛松先  
太平遺愛

都忘却但向湖頭醉管絃

謂胡推官松事見各宦傳

馬嘒烏鰂映青帘  
酒庫頻教玉手添  
不及齋壇

平湖縣志

卷十七

藝文

詩賦

七

清茗好茶花一朵  
逗疎簾

馬嘒城即馬罽城魚可為腊烏鰂出埕院

南當湖舊為酒庫德藏寺有水陸齋壇施主虔誠則茶現瑞花見括異志

宣公祠畔踏青還  
百級支堤縹緲間  
安得浮橋

通六里隨郎九派繞  
彎環

案山有埕及陸宣公祠今廢六里塘在普

濟菴側

重修報本埕

胡奕勳

烈唐

茲埕何年建鳩工  
憶勝朝峰尖摩日月  
磴曲上

扶搖一笛吹漁浦  
殘鐘落海潮  
幾經風雨蝕金

碧已蕭寥

醵金重葺後輝映鴿王宮表鎮當湖角經營劫  
火中雕甍含雨綠畫檻蘸波紅梵唄聲方寂黃  
昏聽瓦瓏

東湖竹枝詞

胡奕勳

遠水春來染碧天悠然亭上思悠然一堤直到  
羅公寺綠遍年年楊柳烟

阿儂家住在南塘郎棹扁舟雲水鄉恨煞風波  
中夜起教郎白沃去燒香

過趙子固故居

沈廷燦 靜壽

平湖縣志

卷十七

藝文

詩賦

書

涼飈走餘熱荻花弄柔雪小舟盪廣陳所意在  
曩哲緬懷簡文公和璧正無缺當其烹小鮮撫  
字歌切切何敬非播刑惟良獄可折飢必由已  
飢賑弗畏肘掣萬骨起肉之孔邇每洽悅若使  
奏剝擊功在禹臯列風景忽焉殊拳茅于此結  
嘯歌白日閒寒暖自分轍一坐洗復洗謂可軒  
冕褻摩詰不捨宅鵲巢來鳩竊兩寺東西分陳  
構悲澌滅縱眼但棘荆勝地誰指說怪彼空空  
者盤踞不餘子華屋留鐘鼓松囊詩文絕而公

光八極莫容一片碣孤墳竟何是欲覓聲吞咽  
又怪邑史中爬羅及瑣屑曷爲五百年杳無弔  
高節應是知公希公之節彌烈冰壺未足潔爝  
火未足晰爲公發狂歌秋月下潭徹

九日登龍湫山

宋景關 今鄮

又是人間落帽天西風扶我入巒烟插萸尋菊  
渾閒事愛聽松吟替管絃

魚眼茶湯蟹爪窠持觴風味定誰超自憐不及  
松間石曾見山人挂一瓢

平湖縣志

卷十七

藝文

詩賦

七

秋日湖樓晚眺

錢塘 張廷爵 寶初

一徑少行跡亂鴉啼夕陽秋歸紅葉外寺古白  
雲藏烟際漁歌起湖心珠影涼頓令塵思寂鄉  
夢杳錢唐

當湖卽景

張廷爵

一水初分自武原繫蛟往事又誰論彥先封邑  
山仍古清獻遺風里獨尊菱葉幾看連港路蘆  
花到處隱漁村偶從蕩槩來湖畔欲向浮圖望  
海門

和還珠行

鮑 輝 曉庭

醒酒平泉石欲歸了無策卓哉蘭相如竟返連  
城壁散聚或不常人謀端有益東湖戲珠亭荒  
廢已自昔樓成蕭使君迺易弄珠額文敏重題  
詩侵石光奕奕世遠石失傳雲烟久滅沒我公  
鹽官來愛古探遺迹遂欲還舊觀寧吝兼金百  
神物不終離精意默相格一朝珠復還詩以紀  
其實我知公詩傳佳話添一則

和還珠行

陸潮應 東堂

平湖縣志

卷十七

藝文

詩賦

七

思翁筆妙超凡格珠樓題詩擅雙絕當時片紙  
落人間聲價已等連城璧况當勒珉尤逼真運  
鐵作筆筆入神百年殘碣誠世寶那堪久失辭

風塵今春張侯蒞吾土賦才早識修藤古

官署古藤

一本未有題詠及之者  
侯作古藤書崖賦誌之

更於金石事搜羅欲使

遺珠歸合浦有客偶從鹽官來為言此石未沉  
埋好事珍藏重什襲神物呵護光昭回侯聞購  
得置樓下作合奇緣信天假摩挲千遍吟千遭  
驚起驪龍珠欲瀉憶自蕭君創湖樓幾經轉眼

勞重修暑書榜拱且盡廢弄珠樓題額及榜聯舊皆董太史飛白字

誰歟好古煩尋求侯來却踵蕭君武九派湖流

盡膏雨同是胸吞雲夢人明珠重見遺交甫斯

樓在昔關文明鳳毛今喜騰先聲謂九少君鴻今秋獲雋

章欲奪華亭席邯鄲學步難為賡

詩餘

踏莎行珠樓夕照

陸瑤林

秀擷鷗波光浮螺黛支分九曲橫襟帶西來秋

色滿樓中晴川飛靄城闈會 浦淑迴帆吳儂

平湖縣志

卷十七

藝文

詩賦

七

清籟漁人網曬斜陽外暝烟催急亂鴉歸東林

月上如相待

玉女迎春慢金山神祠

沈 峽涵中

第一圖形麒麟閣夢感小黃門語廟食風潮有

主閃爍旌旗今古朝香千縷更部下錢侯如虎

湖流清淺不怕海髯驚鴨飛渡 幾經赤漢東

吳功名心事漫拋烟霧剝落龍蛇畫壁幻作藤

花繡斧寄神鸚鵡勝白馬盟書分土聘取叅軍

伴享賽祠歌舞

簇水 香草溪

沈岸登

野草年年新涼逆鼻無尋處聞香乍遠但一片  
圓沙冷霞昏雨生來未曉綠遍萋萋路料不憶  
王孫歸去 爲寄語可還有秋塘過客疎柳下  
停柔櫓江籬怨別悵楚屈空延竚甚日筍鞋挑  
菜吹惹溪風暮斜陽夢斷竹笆烟墅

角招

菜薺山觀海

沈修齡

海雲濶黃濤湧石塘設險雙闕登高望溟渤一  
色水天光景奇絕魚龍是窟早鼓浪揚鬣噴沫

平湖縣志

卷十七

藝文

詩賦

七

遠着浮槎如葉當年賦筆曾傳有木華瑰傑  
空說蜃樓出沒九峯縹緲好與蓬瀛接凌虛心  
暗怯往恨茫茫何年填缺扶桑灰劫笑采藥難  
回臆楫記得水仙殘闕只無處訪成連爲彈徹  
買陂塘 暮秋登越山懷九峯故居 沈岸登

戀青岑半黃餘照欲斜還抹秋樹泠泠石溜調  
琴尾瀉作哀絲誰譜聽又住甚無數風杉疎籟  
飛晴雨孤筇且拄憶斷塢村梢迴潮渡口一幅  
冷雲處 買山好儘有薑畦芋圃長鑱消得時

序沉思只怕征衣垢笑拂三年塵土移竹塢傍  
五畝清溪恰把茆堂護山靈許否待雪夜歸尋  
峯霞九點籬萼小窗吐

未遇樂

廣陳趙子固隱居地秋  
日過禹三齋拉同晚眺

陸 培

濃染楓丹遠橫黛綠扶屐秋爽南渡風流王孫  
第宅那處重尋訪野塘閒立橋心倒影飛過白

鷗三兩想當年煙波寄傲使君莫是惆悵

使君  
謂宣

城梅  
轍

滄桑易改畫圖難覓賸溯遺蹤逸響醉

拍紅牙狂呼禊帖老去成長往可堪卻軌相逢

平湖縣志

卷十七

藝文

詩賦

七

承旨只詢具區無恙銷凝際漁舸晚泊夕陽掛  
網

喜遷鶯

石林書來述我邑  
大成殿重修落成

陸 培

奎樓西角話殿廡年時鸞穿苔剝砌草搖晴庭  
松起籟仰止每愁榱桷榭來故人書札規制今

番增廓仿鴛水算鳩工費盡經營圖度 江閣

勞夢想執豆駿奔佾舞音交錯畫棟雲呈齋芳

芝茁書瑞正遲傑作心儀泖湖芳躅祀典崇躋

濂洛待歸好擷溪毛旅進歌翻思樂



一萼紅 春日同白蕉過怡園

陸 綸

面城南有埃飛不到小闌徑三三艇樣安亭池  
腰障石清景疑接風潭曲闌轉憑高迴望影寸  
碧遙鎖黛睂纖露浥香心蝶隨花氣晴撲鈎簾  
邱壑半生閒致奈江湖未返一笑顏慙嫩竹  
緣牆蒼藤刺戶尤愛微雨拖藍謾回數平泉綠  
野待攜酒重約醉紅酣聽得堂前燕子兩兩呢  
喃

賦

平湖縣志

卷十七

藝文

詩賦

六

白龍宮賦

趙 涸

海浦之偏陳山之巔俯千盤之危石漱勺水之  
清泉曰是所謂龍湫者也爰有樵客出於松間  
余詢之曰是湫也何以龍名客其爲我言之客  
曰嘻子以龍之不於湫耶夫龍神物也或躍在  
淵或飛在天伏于一泓遊于百川蓋大小之齊  
形久矣又何疑乎與蝮蜒同觀若乃旱魃爲祟  
巫尪涕漣豐隆失御雨師告愆父老扶攜而祈  
望大夫禱祀而致虔起視斯湫中有物乎蜿蜒

金光玉曜遊戲無端白日爲之退舍赤燦于以  
摧遷俄不知其所之行上薄于穹圓蓋膚寸方  
合而甘澍已漑乎千萬頃之田也于是邑士大  
夫請曰是不可不報賜乎天遂築宮山暎勒名  
顯濟豐碑如椽而肇始于崇寧之年至于今而  
彌宣嘻子以所聞止于是耶當山之椒有龍母  
塚在焉鉅石忽起而盤陀雲霧時覩其連綿湫  
之所見者卽其子也不知其所自來此蓋出于  
相傳繫神龍之變化而不可測也夫又安見其

不然余聞其說曠曠乎若遊六合之表而與神  
者往還也久之乃與樵客徜徉乎山之隩瀏覽  
乎勝槩之全象勾陳之翼衛兮知遙應乎星躔  
俯羣峯之環列兮不足當夫一卷面稽天之巨  
浸兮駭潮汐之奔騫望三山其可接兮似彷彿  
夫羣仙雲山萬疊而若可辨兮羨鷗鳥之飛旋  
欲凌颺而直上兮庶幾與浮邱洪厓把袂而拍  
肩時惟春暮風和日暄翠禽集于沙渚芳草繡  
于陌阡都人羅拜士女闐駢金鞍馳驟而屢卻

香車躑躅而不前已來恨晚欲去流連莫不快  
山容之靚麗怡海色之澄鮮斯可謂極遊覽之  
樂而娛心意之便者乎樵客曰子知其樂而不  
知其所以樂也惟昔之日長鯨振鬣猛虎奮銛  
比屋播蕩負擔迤邐欲求一日之安而不可得  
矣今者

聖人在上有司皆賢蛟穴已掃海波不濺將軍罷樓船  
之號堡塞無斥埃之煙猛獸絕跡夜戶不拴屢  
市匝匝林木葱芊飢則折松而爨倦卽倚石而

平湖縣志

卷十七

藝文

詩賦

三

眠風雨以時取禾百千祝釐如織棟宇益堅斯  
遠近之至者但知茲山之可樂而不知其有由  
先也今取其語著之于篇

天馬峯賦

陸光旭

展武濬區宣廷析域龍湫襟勝珠樓翼天躔  
斗紐之墟地拔巒崖之色迴靈奇于霞嶠乍水  
星參聳嶸巖于曲阿蒲嶠翠織厥有雅山巖巖  
秀出峯成八景天馬其一踞虎豹而凌虛駕虬  
龍而矯逸霜侵石瘦苔繡卷毛之駟露積光凝

谷滿五花之脊非穆王之躡景奮獅迅于天然  
類開寶之玉駿儼風稜于峯律雲眠芳草道士  
之牟竝奇影絆蒼藤將軍之虎俱失伊跑泉于  
秦駐訝奔渴于追風轆行空于海若騰螭驂于  
宵虹丹崖臨射蛟之波碧岫倚蜃樓之宮驟越  
塵而睨霄漢景照夜而俯飛熊海颶銀濤恍胥  
潮之白馬銅鞮紫陌疑仙旆之青驄祖鳳山而  
控金粟接鸚洲而下沙鴻爾乃春蘿擺月煙爲  
之籠紫蔓牽絲雲爲之縱天風澎湃波爲之雄

羣山逐鹿嵐爲之氈非兕非虎峯之異也載馳  
載驅石之勢也爲骨爲神巖之靈也或隱或見  
白雲起而蒼狗變也斯峯之名所由著也其東  
則雁沙鳧渚水涌雲蒸縹緲仙人之館明滅漁  
火之瀆其西則角里曉煙湖城晚市樓櫓星聯  
臺隍雀起里鳴珂而建牙俗靡文而詩砥南則  
鹽官堞壘鎮海崔嵬頂瞻合璧島若浮杯問碣  
訪何準之宅懷古登伯牙之臺北則春樹千家  
竈煙百頃稅急農官桔槔連井犢臥黃泥之坂

鴉歸白沙之影若夫仙宮修祝龍母靈旗綺羅  
駢翠絲管揚裾四山粉黛十里香與莫不楹蘭  
槩虔芻報梯層崖探靈奧陟林巒而徘徊羨鴻  
鈞之巧妙至于池烹野鴈岸鎖黃花哀南庾信  
作客孟嘉履巉巖而作賦經窈窕而咀霞傲丹  
青以圖章追曹顧以爭誇俯仰地靈緬惟在昔  
原野綢繆桑麻暇日交犀文具越裳之貢曾開  
石鏡江瑤豫且之網未密戈戩有青雀之舫膠  
弓多皮革之卒狼堡先設險之防世爵有崇勲

之賙悵隙駒于當年憶康莊于往日能不感慨  
係之哉噫戲紆懷物謝撫景星移天馬煙寒銅  
駝葛菱野鶴與浮雲皆斷夕陽共戍壘俱磁海  
波蕩青峯之月山容愁白羽之炊此渥洼之埋  
谷誰憑弔而周知爰有蔡侯經傳節鉞歲陽柔  
兆惠風霽月遴士摘華較文補闕峯採天馬著  
爲賦曰嗟予仗鳴蓬壺遂隔伏櫪嘶恩煙霞久  
癖十載邵平之瓜一枕興公之石羌蕭艾以爲  
侶寧馳情于山碧感義馭之晞微痲屣墮而誰

適予將駕天駟兮翱翔靖八紘兮調輶陟崑崙  
兮俯浮邱騁神駿兮清廣陌采雲芝吸瑤漿而  
訪元都洞府盧敖汗漫所棲處之宅

東湖賦

朱維熊

柘湖之西滌湖之東厥有湖焉汪洋千頃灑灑  
溶溶承天目雙垂之長乳滙港口分趨之九龍  
瀦巽方而渟已位拱邑治而護學宮漢本陸地  
爲嚙流所衝傳有番僧相視而知其當爲湖兮  
白沃使君策馬而相從倏忽化成巨浸兮老蛟

平湖縣志

卷十七

藝文

詩賦

全

項繫金鎖泗濮乎其下江豚嘴如銛刃吹浪乎  
其中蚌孕胎而呈嫵媚兮螺耀貝而嵌玲瓏湖  
洲之鸚鵡飛飛兮湖鏡之樹影重重美人之香  
蘭藹藹兮王孫之芳草茸茸春花蕊而冬楓葉  
兮夏菡萏而秋芙蓉鱸鮓泳游于放生之波面  
兮鷗鷺狎沒于積翠之微濛案山脊出而奎發  
兮暗潮迴薄而文雄石橋臥虹于雲霽兮珠樓  
掛靄于煙空地靈人傑兮開拓心胸登高望遠  
兮追慕賦詠之宗工顯忠廟之旌旗烈烈乎鎮

海而閃日報本塏之鈴鐸琅琅乎排霄而響風  
有何六鰲之不可釣兮臺與磯而竝崇也誰謂  
三寺之不容刀兮梁隨渡而皆通也受太湖之  
漭漭兮瀉婁淞而底定顧橫泖之淼淼兮泄尾  
閭以朝宗澹粧濃抹辰良景融葳蕤曙色黯黹  
雨容翹穿粉蝶鬚釀黃蜂于是有榜歌漁父清  
唱吳儂濯纓孺子騎竹兒童湔裙女伴題柱名  
公檣豎青翰絲牽玉驄拍按紅牙琴理焦桐或  
聯上巳祓除之會或駕重午競渡之艫或中秋

平湖縣志

卷十七

藝文

詩賦

全

睇蟾蜍之桂子或九日舉沆瀣之菊叢畫闌亞  
于梓澤兮旗亭美于鄆筒無不迤邐來尋招邀  
結隊遨遊渚滸浮白而捲紅縱時序之物換兮  
必憂樂與人同今歲二月

翠華南巡守經過苧村駐仗鷺峯蠲租肆赦興賢勸農  
湖士民喁喁焉欣欣焉沐浴膏澤游登淳龐愧  
余濫竽縮綬徒使從者竊笑接離之山公也亂  
曰湖田資灌溉兮率斗水可致粟一鍾兮我黍  
與與我稷翼翼年屢豐兮城滿桃李願比戶之

可封兮凡我父老子弟說禮樂敦詩書羣萃安業伐鼓考鐘兮佳哉氣炳炳隆隆兮

放勳之德被四表而格上下至於海隅之東罔不率俾於變時雍兮

弄珠樓賦 有序

高 輿

弄珠樓者前明萬歷間江陰王侯經始漢陽蕭侯落成屹立東湖為一邑勝觀歲久頽落鞠為茂草康熙丁丑晉陵王父母蒞政期年俗阜人和百廢釐整思所以葺而修之諮之士大夫僉

平湖縣志

卷十七

藝文

詩賦

七

曰盛舉也鳩工不旬月遂告竣事余幸其功之敏而政之成也爰為之賦

東武芳洲柘林靈境接秦溪之北馳延漢塘之東競雙流滙以成區九派匝而為鏡羌三瀕而六傾慮過洩之為病構層樓于中央障跳珠之飛迸鴈塢前拱魯圃後應喜巽水之潑洄啓萬井之蕃盛溯勝國之經營歷星霜之幾更爾乃煙雲剝蝕風雨漂搖螭牆巢于烏鼠瑤城沒以菰菱豐碑砥石翠徑芻蕘漏闌露落鬼嘯鷓號



時則披斲才人飛鳧仙宰運象雷之化機舒製  
錦之妙采市虎屏而遠颺城狐感而潛改俗恬  
熙以忘憂民康彊而不瘵于是庭空牒訴積牘  
咸理宏維旣張勝蹟是舉緬前人之締構傷遺  
緒之傾圯召父老籌庀材良植具叢薄開計三  
農之隙晷復百祀之崇臺乍布令而響應旋聞  
役而子來授規梓匠採木林衡準以圭尺揮以  
風斤蕙櫨瓊譎蒞棋鴻紛飛薨挂夫列宿複椽  
籠以青氛赭壁璀璨而割玉碧瓦熒朗以差鱗

向日則綺疏爽愷披霞則藻井氤氲梅萼荆枝  
軫轉于文甃幽篁叢桂森郁于丹禁于時芟衣  
訂賞魚佩尋權螭伏騷人望歲蕤而掀箔萍飄  
仙客扶柳榭以凭欄其西則素聖儒宮鑠鑠  
隆隆簷阿跂翅而欲舉鴟尾梢漢以思冲芹波  
綠皺槐舍雲縱驪黃造士于千里萃蒿養老于  
三終此我侯以詩禮同其風者也女牆千雉人  
煙萬竈列隧鈎連羅肆互照朱輪轆轤翠蓋駢  
闌山膚棋炙入市流涎倒刺飛丸逢場獻笑餅

師踵躡而釜傾園客肩摩而花耗此我侯以繁  
庶成其效者也其東則瀛壖涵澳氣接扶桑八  
閩大賈五嶺貲商或自無諸裹橐或從百濟褰  
裳輕輿頓轡駢坐成行望午鍼而遙集鎮雲碇  
以將翔雀尾舒屏鮫刀飾帶帝青紺寶水碧瑛  
玏之珍充物沙灣丹橘黃柑荔枝椰子之實輝  
煌竹砦更有連州丹砂內方畢薜馬頰如瑤石  
墨抵黛錯綜絡繹于其間者不可以駝負而象  
載然而賓至如歸市無二價鼠希鄭璞之訛羊

絕沈猶之詐博進者無與點籌杯飲者不耽長  
夜此我侯以懷遠宏其化者也其山則龍湫當  
中鬱拂深秀高公暈頂分揖其左苦竹觀雅列  
侍其右馬被鞍而不行牛無跡而長鬪際晴曦  
而挺出歷冰雪而不仆凜森嚴於月朗紛變化  
于雲逗此我侯秉介節以不移軼塵蓋以無垢  
者也其水則溶滴澶漫匄磻樂潯曲港迴文迅  
波流惡送沸浪于春申迓飛濤于海若短棹歌  
連長虹影落鉅可容夫鯤揚清足資夫螺酌此

我侯澄朗鑑于秋毫流遙潤于窮壑者也至若  
牧笛起于北原社鼓填于東觀寺鐘發響于林  
杪紙鳶曳風于天半楊家放鴨之場南村著書  
之館鳥喙喙而弄音花飛飛而颺岸憶使君于  
白沃不見紅韉弔子固于廣陳唯畱弱翰此亦  
足以開塊磊之襟期生俯仰之唱歎矣且夫我  
侯之有事于斯樓也豈徒以爲游觀之焜耀已  
哉尤將砥郅治于微妙也當夫青陸載陽白藏  
振爽滅從屏車悠然直上倚曲柝披銀榜覽地

形之阨塞俗別馴頑望雲氣之昭回歲占豐穰  
喧囂闐闐問器于窳良襍穢壟畦戒耕于鹵莽  
笞箠纍纍竭澤者知憊偃斧離離樵蘇者禁往  
集雕龍之彥采擷屬于英華進杖鳩之人諮諏  
不嫌論讜于焉引勺水操素琴和風徐至仙籟  
含清彼夫王粲信美之談庾公不淺之語子荆  
杯俎之誇棗據桑梓之企揆此日之循勲殊高  
視乎前軌地經慈父不墜螭碑民值神君常欣  
劍履亂曰東湖雲樹兮春婆婆娑魚跳玉尺兮鶯

金梭樓五尋兮插流波  
鬼巢歆倚兮叢蔦蘿  
風嗥雨蝕兮鳴鼉鼉有美一人兮政無頗  
剔莓苔兮命斧柯  
鷓鴣來賀兮乳香窩  
佳辰憑眺兮民風和  
拊循白屋兮樂事多  
口謁千古兮長無磨

九山賦

宋景濂

鹽官舊壤洪武新城屯開萬竈市拓千楹絕類  
齊東沿鄉名於齊景更稱顧邑肇封號於顧榮  
睇大海兮風迴濤捲羊頭之白睨高巒兮環列  
烟含螺子之青爰有陳山九峰之主龍見爲靈

湫傳自古一泓澄澈洗兒贖有空盆雙石盤  
陶瘞毋曾非抔土人言犖确飛亦稱星我愛清冷  
禱旋得雨碑鐫顯濟遺文猶見於圖經臺敞涵  
空廢址難尋於柱礎隱隱隆隆繇互而東劍試  
秦皇石同鬼劈像攜大士草乃神通嘉名錫以  
高宮幾見宮高於嶺上故老呼爲暈頂訛傳頂  
暈於波中於是或斷或連繫維獨益益山迤邐  
而益卑獨山孤騫而獨立白沙泉畔竊來沙井  
之巷古冶場邊夙有俞天之宅島非遯漢三田

漫號將軍海不遵齊二桃還疑相國旣傳聞之  
異辭遂軼見於他說陳山之西鬱鬱浮嵐觀山  
首接形若眠蠶天尊踞北水仙面南霜角風旗  
駭浪時飛戰艦齋鐘粥鼓荒茅亦啟精藍輒記  
咸和廢青龍觀而得墓額標普照易燈光廟以  
稱菴至於湯山蜿蜒而盡名龜則象似誣勝倭  
而姓可認飛鐘在寺何處飛來無欲名泉幾時  
欲淨題永思以陟岵昔年曾設專祠眺演武於  
平沙今日還成重鎮猗與苦竹祀典煌煌鯉原

可跨波乃不揚種殊千畝之川生來味苦麓有  
一卷之石擣去聲傷何七十丈之高登諸志乘  
而千百年之久變等滄桑爾乃山則爲童鐵還  
可冶金氣蒼然泉流佳者知瓦惹之號皆非得  
窆記而名真雅峰呈南極傍依枯寂之頭陀厓  
削元龜下躡蒲梢之天馬欲通好夢峽際其徘徊  
乎若賦遊仙洞中聊容與也凡此九山簡編  
可考相逢海若不聞避地之賢見說山人曾載  
紀遊之草敢誇附驥執鞭兮何時大類續貂覆

甌兮有稿若夫蒲分裏外常別東西車仍形似  
橫且名題據彼馬鞍如乘欵段攀茲龍尾欲絕  
雲霓或大或尖並計寧而錯列爲土爲祐較菜  
薺而愈卑雖曰舉頭而卽見要皆自鄙之無譏  
又何論乎鬪牛與黃盤海外之險巖者哉

古藤書屋賦

有序

張力行

燕堂之前有古藤焉天矯蒙茸引蔓直上春來  
滴翠欲流重陰廣覆夏則紫花垂垂枝節間支  
以架則紅紫互亞清芬遠蒸雖障錦焚椒未足

平湖縣志

卷七

藝文

詩賦

三

喻其趣也詢邑人云自明宣德中建治卽有之  
蓋數百年托根於此矣藤西隅有屋三楹舊額  
曰古藤書屋始築莫考志亦失載百餘年來不  
聞題咏及之者余愛此藤有類古君子焉敦本  
茂實沃葉希光不屑屑於衆知或有合於貞固  
之義歟感而賦之以爲物鑑賦曰

繁修藤之延蔓兮覆清影於階墀綠花桁以列  
翠兮齊庭檐以紛披維豐本而偉抱兮亦連螭  
而葳蕤密若帷幔之周布宛乎虬龍之倒垂溯

植根於官舍兮終莫辨其歲時秉中和以成性  
兮閱紛華而不移標孤芳以貞茂兮識雨露之  
無私爾其托地旣良歷年多古異窮巖之夭矯  
澗伴疑虹掩高架以參差風前亂羽幾訝芽抽  
裊裊誰捲蝦鬚但看葉比鱗鱗何來龍樹矧當  
堂坳之西隅爰有琴書之舊廡一椽覆處却傍  
清陰半畝方開竟成香土豈天台棄杖而潛生  
寧丁公作令而始補其藤也冬則蒼皮糾裹夏  
則紫萼紫茸冒游絲於春晝隔明月於秋空色

上莓墻透得廊間有畫影浮杯酒莫從壁上疑  
弓其屋也左近天香右隣觀圃前來退居之幽  
楹後肅書堂之芳矩檐接花棚闥披洞戶當繁  
葩之煥發覺香霧之微吐雙扉偶啟恍迷天半  
朱霞一鶴遙歸錯認山中紫府能移情彭澤之  
黃花堪並賞河陽之紅雨是則銓部藤廳遂教  
成偶永陽藤室未許無雙此更盤根而錯節足  
配蒞芷與蘭芷擬傅內史之棗庭政諧風化比  
韋東平之柿閣俗紀敦龐爲歌曰誰得紫藤苗

攜向官齋植一苗生一枝玲瓏如網織層層覆  
屋陰千秋不改色往籍未蒐羅年代安可測鳴  
琴此其中亦足豁胷臆願似召伯棠徧爾羣黎  
德



